

Rapsodi Realiti

....**BUKU KEBAKTIAN SEHARIAN**

Chris Oyakhilome



Unless otherwise indicated, all Scripture quotations are taken from the *King James Version* of the Bible.

A KEY FOR OTHER BIBLE VERSIONS USED:

NKJV	-New King James Version
AMP	-The Amplified Bible
AMPC	-The Amplified Classic Bible
TANT	-The Amplified New Translation
TLB	-The Living Bible
CEV	-Contemporary English Version
NASB	-New American Standard Bible
ISV	-International Standard Version
NIV	-New International Version
MSG	-The Message Translation
WEB	-The World English Bible
TNLT	-The New Living Translation
ASV	-American Standard Version
TEV	-Today's English Version
RSV	-Revised Standard Version
GNB	-Good News Bible
WNT	-Weymouth New Testament
NRSV	-New Revised Standard Version
MOFFAT	-Moffatt New Translation
WESNT	-Wesley New Testament
EBR	-Rotherham's Emphasized Bible
DRB	-Douay-Rheims Bible
TPT	-The Passion Translation

Rapsodi Realitibuku kebaktian seharian

ISSN 1596-6984

September 2020

Hak Cipta © 2020 oleh LoveWorld Publishing

UNTUK MAKLUMAT LANJUT DAN UNTUK MEMBUAT TEMPAHAN:

UNITED KINGDOM:

Unit C2, Thames View Business
Centre, Barlow Way Rainham-Essex,
RM13 8BT.
Tel.: +44 (0)1708 556 604
+44 (0)8001310604

SOUTH AFRICA:

303 Pretoria Avenue
Cnr. Harley and Braam Fischer,
Randburg, Gauteng 2194
South Africa.
Tel.: +27 11 326 0971

USA:

Christ Embassy Houston,
8623 Hemlock Hill Drive
Houston, Texas. 77083
Tel.: +1(800) 620-8522

CANADA:

LoveWorld Publishing Canada
4101 Steeles Ave W, Suite 204
Toronto, Ontario
Canada M3N 1V7
Tel.: +1 416-667-9191

NIGERIA:

Plot 97, Durumi District, Abuja, Nigeria.

Plot 22/23 Billingsway Road, Oregun,
Ikeja, Lagos.
P.O. Box 13563 Ikeja, Lagos
Tel.: +234 1 8888186

www.rhapsodyofrealities.org

email: rorcustomercare@loveworld360.com

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing.

Pengenalan

Hore! Buku kebaktian seharian kegemaran anda, iaitu Rapsodi Realiti, kini tersedia ada dalam 2,119 bahasa, dan kami masih lagi menghitungnya. Kami percaya bahawa edisi buku kebaktian tahun 2020 ini akan meningkatkan pertumbuhan dan pembangunan rohani anda dan memposisikan anda untuk mencapai kejayaan sepanjang tahun. Pemikiran yang mengubah kehidupan dalam edisi ini akan menyegarkan, mengubah dan mempersiapkan anda untuk mengalami suatu pengalaman yang sangat memuaskan, berguna dan bermanfaat dengan Firman Tuhan.

-BAGAIMANA UNTUK MENGGUNAKAN BUKU KEBAKTIAN INI BAGI MEMBERI IMPAK YANG MAKSIMUM -

- Baca dan renungkan setiap artikel dengan teliti. Dengan mengucapkan doa dan pengakuan dengan suara yang boleh didengari kepada diri anda sendiri setiap hari akan memastikan Firman Tuhan yang anda ucapkan itu berlaku dalam hidup anda.
- Baca seluruh Alkitab sama ada dengan pelan pembacaan satu tahun atau dengan pelan baru kami iaitu pelan pembacaan dua tahun.
- Anda juga boleh membahagikan pembacaan Alkitab seharian kepada dua bahagian – iaitu pembacaan pagi dan pembacaan petang
- Gunakan buku kebaktian ini untuk menulis dan mendoakan matlamat-matlamat anda setiap bulan, dan ukurlah kejayaan anda apabila anda mencapai matlamat anda satu demi satu.

Marilah menikmati kehadiran dan kemenangan Tuhan yang mulia ini sepanjang tahun, dengan mengambil dos harian anda dari Firman Tuhan! Kami mengasihi anda semua! Tuhan memberkati anda!

- Paderi Chris Oyakhilome

MAKLUMAT PERIBADI

Nama:

Alamat Rumah:

Telefon Rumah:

Telefon bimbit:

Alamat E-mel:

Alamat Perniagaan:

MATLAMAT-MATLAMAT UNTUK BULAN INI:

Rhapsodi Realiti

....**BUKU KEBAKTIAN SEHARIAN**

www.rhapsodyofrealities.org



SELASA 1

HIDUP UNTUK KRISTUS



Aku memanggil langit dan bumi menjadi saksi terhadap kamu pada hari ini, kepadamu aku telah menghadapkan kehidupan dan kematian, berkat dan kutuk: oleh itu, pilihlah hidup, supaya kamu hidup, baik kamu mahupun keturunanmu (Ulangan 30:19).

Ada orang Kristian yang resah tentang hari apengangkatan, tidak yakin mengenai keselamatan abadi mereka. Tuhan tidak mahu kita hidup dalam ketakutan atau kebimbangan. Hakikatnya, keselamatan yang abadi adalah nyata bagi orang yang dilahirkan semula, tetapi ia bergantung pada cara kamu menjalani kehidupan Kristus, hidup dalam kebenaran-Nya sepanjang hayatmu.

Misalnya, jika seseorang yang telah dilahirkan semula, kemudian mengubah fikirannya untuk tidak mengikuti Yesus, maka orang itu berada dalam masalah, kerana keselamatan abadinya dengan Tuhan sudah dihancurkan. Pada saat kamu dilahirkan semula, kamu telah dilahirkan di hadirat Tuhan; kamu hidup di hadirat Tuhan. Dialah Pelindungmu. Dia menjaga kamu, dan tidak ada seorang pun yang dapat merampas kamu dari tangan-Nya, menurut Kitab Suci.

Walau bagaimanapun, kehidupan ini penuh dengan pilihan. Kamu sendiri yang membuat keputusan untuk hidup bagi Dia secara berterusan atau tidak. Apabila Tuhan membimbing kita, Dia memberikan kita pilihan, dan kemudian Dia juga memberitahu kita apa yang harus dipilih. Namun, Dia tidak memaksa kita, walaupun Dia membuat kita memahami kesan daripada membuat pilihan yang salah.

Oleh itu, apa yang kamu patut lakukan adalah untuk hidup menurut Firman-Nya. Inilah perkara yang

paling mudah. Apabila kamu dilahirkan semula, maka hidup untuk Kristus merupakan perkara yang paling wajar untuk dilakukan dengan sifat barumu dalam Kristus. Hidup dengan benar adalah sesuatu yang wajar bagi kamu dan oleh sebab itu kamu pasti boleh digoda untuk melakukan kesalahan. Di sinilah pelayanan Roh Kudus juga bertindak. Roh Kudus membantu kamu menjalani kehidupan Kristian, dan dengan Dia di dalam hidupmu, kamu tidak perlu risau tentang kamu akan menjadi sesat.

Tambahan pula, Alkitab berkata, ***“Dan bagi Dia yang berkuasa untuk menjaga kamu daripada tersandung, dan yang membawa kamu tanpa cela di hadapan kemuliaan-Nya dengan penuh sukacita”*** (Yudas 1:24). Apabila kamu hidup untuk Tuhan, melayani Dia dengan penuh semangat dan keyakinan yang mutlak, Dia akan memenuhi tujuan dan pelayanan-Nya dalam hidupmu.

PENGAKUAN

Aku hidup dengan tujuan, memenuhi pelayanan dan panggilanmu dalam Kristus Yesus. Aku enggan membenarkan apa-apa untuk menarik perhatianku daripada Tuhan dan Kerajaan-Nya yang kekal. Aku tidak bermalas-malas dengan pekerjaanku; rohu menyala-nyala, dalam melayani Tuhan, supaya aku dapat mengakhiri perlumbaanku dengan sukacita, dan pelayanan yang telah aku terima dari Tuhan Yesus, untuk memberi kesaksian tentang Injil rahmat Tuhan. Haleluyah!

KAJIAN TAMBAHAN:

2 Petrus 1:5-11; 2 Korintus 5:15

PELAN PEMBACAAN ALKITAB 1-TAHUN

1 Korintus 15:35-58 & Amsal 8-9

PELAN PEMBACAAN ALKITAB 2-TAHUN

1 Tesalonika 2:10-20 & Yeremia 18



Leave comments on today's devotional at
www.rhapsodyofrealities.org



RABU 2

IMANMU ADALAH SUATU ALAT



Dan Dia berkata kepada mereka, Di manakah imanmu? Dan sambil ketakutan dan hairan, mereka bercakap sesama sendiri, Siapakah orang ini, sehingga Dia memberi perintah kepada angin dan air, dan mereka taat kepada-Nya (Lukas 8:25).

Pada suatu hari, Yesus ada bersama dengan murid-murid-Nya di dalam sebuah perahu, dan badai tiba-tiba muncul. Murid-murid-Nya menjadi takut dan Alkitab mengatakan, ***“...Maka datanglah murid-murid-Nya membangunkan Dia, dengan berkata, Guru, Guru, kita binasa. Dia pun bangun, lalu mengherdik angin dan air yang mengamuk itu: dan angin dan air itu pun reda, dan danau itu menjadi tenang”*** (Lukas 8:24).

Guru berpaling kepada murid-murid-Nya dan mengajukan satu pertanyaan yang sangat tepat kepada mereka, “Di manakah imanmu?” Itulah persoalan yang terbesar dalam kehidupan. Dengan imanmu, kamu boleh melakukan apa sahaja; kamu boleh memindahkan gunung-ganang; kamu dapat membuat pencapaian yang hebat. Iman adalah suatu alat. Gunakanlah ia. Sekiranya kamu belajar untuk menggunakan imanmu, kamu akan hidup dengan penuh kemenangan setiap hari.

Berhentilah menjerit meminta pertolongan! Gunakan imanmu untuk menjadikan hidup kamu lebih mulia. Dengan imanmu, kamu boleh memusnahkan

kanser, penyakit kencing manis atau masalah jantung. Kamu dapat mengubah keadaan hidup kamu! Oleh itu, binalah imanmu. Buatlah keputusan untuk menyuapkan imanmu dengan belajar dan hidup berdasarkan Firman Tuhan.

Alkitab adalah suatu himpunan tentang wahyu-wahyu ilahi dari para Nabi dan Rasul Allah; mesej tersebut telah terbukti banyak kali. Tidak kira sama ada ia adalah masalah kesihatan, keluarga, kewangan, pekerjaan, akademik atau pelayanan kamu, kamu boleh menang dengan penuh kemuliaan dengan memperkembangkan imanmu dalam Firman dan mengerjakannya setiap hari. Ingatlah, iman kita adalah kemenangan yang mengalahkan dunia (1 Yohanes 5:4).

PENGAKUAN

Dengan imanku, aku membentuk kehidupanku di jalan kemuliaan dan keunggulan secara konsisten, menjalani kehidupan kemenangan, kejayaan, kegembiraan dan kemakmuran yang telah ditetapkan oleh Tuhan untuk aku. Aku enggan menjadi lemah atau tidak berdaya dalam kehidupan ini; imanku dalam Firman adalah efektif dan sentiasa menang. Puji Tuhan!

KAJIAN TAMBAHAN:

1 Yohanes 5:4; Ibrani 10:38-39; Matius 17:20

PELAN PEMBACAAN ALKITAB 1-TAHUN

1 Korintus 16:1-24 & Amsal 10-11

PELAN PEMBACAAN ALKITAB 2-TAHUN

1 Tesalonika 3:1-13 & Yeremia 19-20



Leave comments on today's devotional at
www.rhapsodyofrealities.org



KHAMIS 3

MILIKILAH BUDAYA BERDOA SECARA PERIBADI



Maka kamu akan memanggil-Ku, dan kamu akan datang kepada-Ku, dan Aku akan mendengarkan kamu (Yeremia 29:12).

Tuhan menyuruh kita berdoa kerana Dia telah merancang untuk menjawab. Itulah yang Dia beritahu kepada kita dalam ayat injil di atas. Oleh itu, ianya penting untuk kamu mempunyai rancangan untuk berdoa. Jika kamu tidak memiliki rancangan untuk berdoa, maka kemungkinan besar kamu tidak akan berdoa. Terdapat banyak aktiviti yang boleh mengisi masa kamu dan mencegah kamu daripada berdoa. Kamu harus berusaha dengan bersungguh-sungguh untuk mempunyai disiplin dan budaya berdoa; kamu boleh menetapkan sistem penggera kamu untuk memberikan kamu peringatan. Jangan sesekali menjadi terlalu sibuk sehingga tidak ada masa untuk berdoa.

Doa bukan hanya apabila kamu menginginkan sesuatu dari Tuhan. Doa adalah persekutuan dengan Tuhan di mana kamu bercakap kepada-Nya dan dengan-Nya, serta kamu memberi perhatian kepada-Nya melalui rohmu, untuk mendengar apa yang Dia ingin katakan kepada kamu. Setiap umat Kristian patut memiliki masa sedemikian.

Sekiranya kamu menghadapi cabaran untuk melakukan hal ini secara konsisten, kamu boleh meminta Tuhan untuk membimbing kamu dalam merancang jadual doa peribadi kamu. Jangan mengabaikannya. Ada juga masanya untuk berdoa secara berkumpulan di mana kamu menyertai program dan pelayanan berdoa, mungkin di gereja atau di sel kumpulan kamu, namun hal tersebut adalah berbeza daripada jadual masa doa peribadi kamu.

Seseorang mungkin berkata, "Saya berdoa seminggu sekali; bukan setiap hari." Tidak, ianya tidak cukup baik. Milikilah jadual untuk berdoa setiap hari,

kerana ia membantu kamu untuk mempunyai kesedaran rohani setiap hari. Kemudian, kamu mungkin tertanyanya, "Berapa lama saya harus berdoa?"

Tidak ada sesiapa yang boleh menentukan berapa lama kamu harus berdoa, tetapi kamu akan tahu sama ada kamu sudah berdoa dengan cukup atau tidak, kerana ia merupakan sebuah hubungan di antara kamu dengan Tuhan. Jika kamu fikir kamu tidak berdoa dengan cukup, maka tambahkanlah masa! Yang sebenarnya, semakin banyak kamu meluangkan masa untuk berdoa, semakin banyak manfaatnya untuk kamu, kerana selain dari hakikat bahawa kamu boleh berbicara dengan Tuhan, roh kamu juga boleh dibina.

Malah bukan itu sahaja; roh kamu juga akan menerima ajaran. Tidak ada sesiapa yang dapat mendidik kamu seperti Roh Kudus. Dalam suasana berdoa, Dia mengajar kamu, Dia membawa maklumat yang memberi pencerahan dan bimbingan kepada kamu. Maha mulia Tuhan!

DOA

Ya Bapa, aku bersyukur kerana diberi peluang untuk bersekutu dengan-Mu secara berterusan melalui doa. Aku mempunyai disiplin untuk berdoa, dan bahkan sekarang, aku berdoa untuk keselamatan jiwa-jiwa orang di seluruh dunia, agar hati mereka terbuka untuk menerima Injil Kristus dan diselamatkan. Dan juga, aku berdoa untuk para umat Kristian yang mengalami kesakitan di tubuh mereka, supaya rahmat-Mu yang besar ditujukan kepada mereka untuk penyembuhan, pemulihan dan menjadi sihat, dalam Nama Yesus. Amin.

KAJIAN TAMBAHAN:

Lukas 18:1; Yudas 1:20; Efesus 6:18

PELAN PEMBACAAN ALKITAB 1-TAHUN

2 Korintus 1-2:1-4 & Amsal 12-13

PELAN PEMBACAAN ALKITAB 2-TAHUN

1 Tesalonika 4:1-8 & Yeremia 21



Leave comments on today's devotional at
www.rhapsodyofrealities.org



LIHATLAH DIRIMU MELALUI FIRMAN



Oleh kerana itu, sekarang tidak ada lagi hukuman bagi orang yang ada di dalam Kristus Yesus, yang tidak hidup menurut daging, tetapi menurut Roh (Roma 8:1).

Dalam ayat injil pembukaan kita, Rasul Paulus memberitahu kita melalui Roh bahawa ada dua kumpulan : iaitu orang yang hidup menurut daging, dan orang yang berada di dalam Kristus Yesus yang tidak hidup menurut daging. Namun, hal itu bukan perkara utama yang Dia ingin sampaikan; sebaliknya, Dia memperlihatkan gambaran tentang siapa dirimu yang sebenar.

Apabila kamu mempelajari dan memahami Perjanjian Baru, kamu akan dapat melihat sesuatu yang dikenali sebagai “Prinsip Cermin”; Firman Tuhan adalah sebuah cermin. Kamu adalah apa yang kamu lihat di dalam Firman (2 Korintus 3:18). Oleh sebab itu, jangan baca ayat injil tema kita dan terus menganggap bahawa kamu tidak bebas dari hukuman atau bahawa kamu masih “hidup menurut daging,” kerana kamu melakukan kesalahan kadang-kadang; tidak!

Baca ayat yang ke-9 dari bab yang sama; ia menjelaskannya dengan lebih lanjut dengan berkata, ***“Tetapi kamu tidak hidup dalam daging, melainkan dalam Roh, jika memang Roh Allah tinggal di dalam kamu...”*** (Roma 8:9). Itulah Tuhan yang berbicara!

Apabila Dia menggambarkan orang di dalam Kristus Yesus yang hidup tidak menurut daging tetapi menurut Roh, Dia sebenarnya bercakap tentang kamu.

Oleh itu, lihatlah dirimu melalui Firman. Sebab sekarang kamu sudah dilahirkan semula, maka tidak ada hukuman untuk kamu. Apabila kamu mengerti hal ini dan hidup sewajarnya, kamu tidak lagi akan bergelut dengan tabiat-tabiat dosa, pemikiran yang jahat atau perbuatan daging. Alkitab berkata, “Dosa tidak akan berkuasa ke atas kamu” (Roma 6:14); lihat dirimu sedemikian, kerana sebegitulah Tuhan melihat kamu.

Tuhan tahu bahawa jika kamu melihat dirimu sebagaimana Dia melihat kamu, kamu akan bertindak dengan sewajarnya. Terimalah dirimu yang Dia telah ciptakan—kebenaran-Nya dalam Kristus Yesus— dan berjalanlah dengan sewajarnya. Maha mulia Tuhan!

PENGAKUAN

Aku adalah anak Tuhan, yang memiliki sifat Tuhan dalam rohku. Aku dijadikan benar di hadapan Tuhan, tanpa rasa bersalah, takut, rendah diri, atau terkutuk. Dosa tidak mempunyai kuasa ke atas aku dan aku tidak terikat dengan belenggu perhambaan. Aku sedar akan sifat kebenaranku dan berjalan dengan sewajarnya. Maha mulia Tuhan!

KAJIAN TAMBAHAN:

Roma 6:11-15; Roma 8:2-4; Galatia 2:20-21

PELAN PEMBACAAN ALKITAB 1-TAHUN

2 Korintus 2:5-3:1-6 & Amsal 14-15

PELAN PEMBACAAN ALKITAB 2-TAHUN

1 Tesalonika 4:9-18 & Yeremia 22



Leave comments on today's devotional at
www.rhapsodyofrealities.org



TETAPLAH SETIA KEPADA INJIL



Dari segala penjurur kami ditimpa oleh kesulitan, tetapi kami tidak hancur luluh. Kami bingung, tetapi kami tidak putus asa atau menyerah (2 Korintus 4:8 NLT).

Kristianiti yang kita nikmati hari ini tidak datang kepada kita dengan sebegitu mudah. Sekiranya kamu membaca tentang para martir Kristian, kamu akan mendapati bahawa banyak orang telah dibunuh, dipenggal kepala, oleh kerana kesaksian mereka mengenai Kristus. Pada satu hari yang tertentu, lebih dari enam ribu orang telah dibunuh kerana iman mereka dalam Yesus Kristus, dan mereka adalah para askar. Mereka mempercayai Injil dengan segenap hati mereka, dan tidak ada apa yang dapat menghalang mereka daripada menurunkan iman yang sama itu kepada generasi yang berikutnya.

Selama bertahun-tahun kamu mungkin telah mempunyai kebebasan untuk menyembah Tuhan, untuk memuji-Nya di gereja, menghadiri aktiviti penginjilan dan menyertai perjumpaan yang mengubah kehidupan, dan kebebasan itu telah datang dari perjuangan yang mendalam, doa, hasil keringat, air mata, darah, iman dan semangat para lelaki dan wanita yang telah mempertaruhkan nyawa mereka demi Injil. Mereka tidak hanya dianiayai, malah mereka ditanam secara hidup-hidup. Sebilangan orang digergaji; dibunuh dengan kejam, disebabkan oleh iman mereka kepada Yesus Kristus.

Penganiayaan terhadap orang Kristian masih berlaku di beberapa buah negara hari ini. Sesetengah negara mempunyai kubu-kubu khas di mana para umat Kristian dilayani dengan teruk dan kejam oleh kerana iman mereka kepada Yesus. Laporan terkini menunjukkan bahawa orang Kristian adalah orang yang paling teraniaya di dunia.

Saya menyampaikan hal ini kepada kamu supaya

kamu mengerti bahawa iman Yesus Kristus yang kita miliki, dan mesej Kristus yang telah kita percayai mempunyai nilai yang lebih daripada segala-galanya. Walaupun ada penganiayaan, orang dulu-dulu telah mempertahankan iman mereka dan kekal setia kepada Injil. Maka kita juga harus dan mesti bertindak sedemikian pada zaman kita.

Tidak kira apa yang berlaku di bandar atau di negara kamu, tetaplah setia kepada Kristus. Jangan menjadi goyah. Seperti apa yang dibaca dalam ayat injil tema kita, kita tidak berputus-asa; kita tidak menyerah. Beritakanlah Firman setiap masa. Tidak ada apa pun yang cukup mengerikan atau menakutkan yang boleh menghalang kamu daripada memberitakan Firman, kerana Roh yang ada di dalam kamu adalah lebih besar daripada semua musuh dan kesusahan di dunia ini. Haleluyah!

PENGAKUAN

Tidak kira apa jenis malapetaka, penderitaan, penganiayaan atau bahaya di dunia ini, aku lebih daripada penakhluk melalui Dia yang mengasihi aku---Kristus Yesus, Tuhanku! Aku yakin bahawa baik maut mahupun hidup, baik malaikat-malaikat mahupun pemerintah-pemerintah atau kuasa-kuasa, atau apa sahaja tidak akan dapat memisahkan aku dari kasih Allah, yang ada di dalam Kristus Yesus. Aku tetap teguh, tidak goyah, dan sentiasa berkelimpahan dalam pekerjaan menyebarkan Injil ke seluruh dunia. Amen.

KAJIAN TAMBAHAN:

Roma 8:35-39; 1 Tesalonika 3:7-8 NLT

PELAN PEMBACAAN ALKITAB 1-TAHUN

2 Korintus 3:7-4:1-18 & Amsal 16-17

PELAN PEMBACAAN ALKITAB 2-TAHUN

1 Tesalonika 5:1-11 & Yeremia 23



Leave comments on today's devotional at
www.rhapsodyofrealities.org



AHAD 6

GEREJA ADALAH HARTA TUHAN



Dan Aku pun berkata kepadamu, Engkau adalah Petrus, dan di atas batu ini Aku akan mendirikan gereja-Ku; dan segala pintu alam maut tidak akan dapat mengalahkannya (Matius 16:18).

Dalam Matius 13:44, Yesus berkata, *“Lagipun, kerajaan syurga itu seumpama harta yang terpendam di sebuah ladang; yang ditemukan oleh seseorang, lalu dipendamkannya kembali, dan oleh kerana sukacitanya itu, dia pergi dan menjual segala sesuatu yang dia miliki, dan dia membeli ladang itu.”* Yesus telah membeli seluruh ladang itu kerana ada harta di ladang tersebut. Harta itu adalah Gereja, dan ladang itu merupakan dunia.

Yesus telah membeli seluruh dunia ini dengan nilai darah-Nya sendiri, demi Gereja; Dia telah memberikan segala-galanya. Hal ini membuat kita tahu apa yang Syaitan inginkan. Apabila dia mencipta atau membangkitkan krisis di dunia ini, matanya tertuju pada anak-anak Tuhan, iaitu Gereja itu. Selalunya, strateginya yang utama adalah untuk menyerang Gereja Yesus Kristus. Dengan sepenuhnya dia menentang para umat Tuhan daripada melayani dan menyembah Tuhan secara bebas. Namun, dia telah gagal.

Mengapa Syaitan begitu bersemangat mahu menentang Gereja? Ini kerana Gereja—kamu dan aku—mempunyai apa yang diinginkan oleh Syaitan sejak dari awal. Dia telah berkata, *“... Aku akan menjadi seperti*

Yang Mahatinggi” (Yesaya 14:14), tetapi dia tidak berjaya mendapatkannya. Sebaliknya, dia sudah diusir dari syurga. Kemudian, dia mendapat tahu tentang Gereja, yang Yesus ciptakan, akan berkongsi Nama Tuhan, berkongsi takhta Tuhan—tempat duduk-Nya—dengan Dia!

Hari ini, kita menjadi satu dengan Allah melalui kasih Kristus. Yesus telah berfirman, Aku akan mendirikan gereja-Ku; dan segala pintu alam maut tidak akan dapat mengalahkannya. Hal ini adalah kebenaran yang tidak boleh dimusnahkan. Haleluyah! Tidak ada kuasa di alam semesta ini yang dapat melawan Gereja. Jangan melihat Gereja sebagai sebuah organisasi semata-mata; ia merupakan tubuh suci Yesus Kristus—iaitu mutiara-Nya yang sangat berharga.

PENGAKUAN

Gereja Yesus Kristus membuat impak dengan kemuliaan yang besar, kemampuan yang lebih besar dan pengaruh yang tidak dapat dihentikan. Kita tidak akan memberi ruang kepada Syaitan, kerana Roh yang ada di dalam kita adalah lebih besar daripada roh yang ada di dunia. Dan orang Kristian di seluruh dunia mengambil langkah berjaga-jaga untuk berterusan mematahkan segala strategi dan agenda Syaitan terhadap Gereja, dalam Nama Yesus. Amin.

KAJIAN TAMBAHAN:

Keluaran 19:5; Titus 2:14; 1 Petrus 2:9 AMPC

PELAN PEMBACAAN ALKITAB 1-TAHUN

2 Korintus 5:1-6:1-2 & Amsal 18-19

PELAN PEMBACAAN ALKITAB 2-TAHUN

1 Tesalonika 5:12-28 & Yeremia 24



Leave comments on today's devotional at
www.rhapsodyofrealities.org



ISNIN 7

PENGANGKATAN ADALAH LEBIH DEKAT DARIPADA YANG DISANGKAKAN



Kemudian kita yang masih hidup, yang masih tinggal, akan diangkat bersama-sama dengan mereka ke dalam awan, untuk berjumpa dengan Tuhan di udara: dan kita akan selama-lamanya bersama dengan Tuhan (1 Tesalonika 4:17).

Melalui Roh, Rasul Paulus mendapat wahyu mengenai Pengangkatan Gereja dan berkata, ***“Lihatlah, aku mengatakan suatu rahsia kepadamu...”*** (1 Korintus 15:51). Inilah sebabnya mengapa ramai yang tidak memahami Pengangkatan; ia merupakan sebuah misteri; wahyu ilahi. Dia berkata, ***“Kita tidak akan mati semuanya, tetapi kita semuanya akan diubah, Di dalam sesaat, di dalam sekelip mata, pada bunyi trompet yang akhir: kerana trompet akan berbunyi, dan segala orang mati akan dibangkitkan dengan keadaan yang tidak akan binasa, dan kita ini akan diubahkan”*** (1 Korintus 15: 51-52).

Bahagian ayat yang digariskan menunjukkan sebagaimana cepat Pengangkatan itu akan berlaku; ia akan menjadi begitu cepat sehingga tidak ada masa untuk orang mempersiapkan diri mereka, kerana ia merupakan sesuatu yang kamu patut lakukan sepanjang hidupmu.

Dalam ayat injil tema kita, kita boleh melihat satu ungkapan yang serupa dengan istilah “Pengangkatan”; ia merupakan perkataan “diangkat” yang berasal dari perkataan Yunani, iaitu “harpazō.” Ia bermaksud merampas, menangkap (pergi, diangkat), memetik, menarik, mengambil secara paksa.

Pada Hari Pengangkatan itu, tidak kira di mana kamu berada, tidak ada bezanya; kuasa Tuhan akan

meragut kamu dari dunia ini. Orang Kristian yang telah mati akan dibangkitkan, dan bersama-sama dengan mereka, kita akan diangkat ke dalam awan untuk berjumpa dengan Tuhan. Betapa menakjubkan hari tersebut nanti!

Bilakah hal ini akan berlaku? Lebih dekat dari yang kamu sangkakan; tidak lama lagi. Tanggungjawab kamu adalah untuk mempersiapkan dirimu dengan menjalani hidupmu untuk Tuhan setiap hari. Teruskanlah hidup dalam kasih, dan imanmu akan diaktifkan untuk diangkat berjumpa dengan Tuhan pada hari kedatangan-Nya semula.

Alkitab mengatakan bahawa Dia datang untuk Gereja yang tanpa cacat, kedut, cela atau yang serupa itu. Jalanilah kehidupanmu setiap hari, setiap saat dalam kebenaran-Nya, yang menghasilkan pekerjaan dan buah kebenaran.

PENGAKUAN

Tuhan Yesus akan datang semula untuk Gereja tanpa cacat, kedut, cela atau yang serupa itu, dan aku sudah bersiap sedia. Imanku diaktifkan agar aku dapat diangkat bersama dengan Tuhan selama-lamanya! Tetapi sementara menantikan hari “pengangkatan” yang mulia ini, aku hidup dan bersemangat melakukan kerja untuk Kerajaan-Nya dan untuk pengembangannya, dan melalui diriku, ramai lagi orang yang akan disenaraikan untuk Pengangkatan, dalam Nama Yesus. Amin.

KAJIAN TAMBAHAN:

1 Tesalonika 4:16-17; 1 Yohanes 2:28; Matius 24:27

PELAN PEMBACAAN ALKITAB 1-TAHUN

2 Korintus 6:3-7:1 & Amsal 20-21

PELAN PEMBACAAN ALKITAB 2-TAHUN

2 Tesalonika 1:1-12 & Yeremia 25



Leave comments on today's devotional at
www.rhapsodyofrealities.org

Nota-Nota

Nota-Nota

Nota-Nota

Nota-Nota



SELASA 8

KITA ADALAH PENDATANG ASING DI BUMI



Sekiranya kamu dari dunia ini, tentulah dunia akan mengasihi miliknya sendiri: tetapi kerana kamu bukan dari dunia, melainkan Aku telah memilih kamu dari dunia, sebab itulah dunia membenci kamu (Yohanes 15:19).

Pada zaman Ester, orang Yahudi menjadi selesa di sebuah negeri yang asing, iaitu negeri di mana mereka telah ditawan. Mereka menikmati kebebasan di negeri itu, dan berasa tenang, sehingga Haman, seorang lelaki yang berpengaruh tetapi sangat jahat di kerajaan tersebut (dan juga seorang yang rapat dengan Raja) berusaha untuk menghapuskan mereka.

Si permaisuri, iaitu Ester yang tidak menyedari kebencian dan usaha Haman untuk menghancurkan orang Yahudi kemudian menerima pesanan yang menyentuh hati dari bapa saudaranya, Mordekhai tentang rancangan Haman yang jahat itu. Tanpa membuang masa, dia berusaha menangani masalah itu dan menyuruh orang di negeri itu berdoa dan berpuasa (Ester 4:16). Dan semestinya, Tuhan telah mendengar doa mereka dan menyelamatkan mereka dari cengkaman tangan Haman yang jahat itu.

Kadangkadangkala, kamu dapat menikmati kebebasan di bumi ini sehingga kamu lupa bahawa kamu berada di sebuah “negeri yang asing”; kamu adalah seorang pendatang asing di bumi ini. Hal ini sudah berlaku kepada banyak orang; mereka lebih fokus pada perjalanan berbanding dengan destinasi. Sesetengah orang Kristian menjadi leka, terbawa-bawa dan terganggu dengan perkara-perkara di dunia ini. Namun, Yesus berkata, **“Sebab apakah untungnya bagi seseorang, jika dia memiliki seluruh dunia, tetapi kehilangan jiwanya?”** (Markus 8:36).

Tetapkan hatimu pada Tuhan; biarkan hal-hal dari

Kerajaan mendorong dan memberi inspirasi kepada kamu untuk bertindak. Selamatkanlah jiwa-jiwa orang. Berjaga-jaga dan berdoalah seperti yang Yesus telah suruh lakukan. Berdoalah untuk negaramu supaya Injil dapat disebarakan dengan lancar dan dijamah.

Ada negara-negara tertentu di mana Injil pernah berkembang bertahun-tahun yang lalu, namun pada hari ini, negara-negara tersebut tidak membenarkan Injil diberitakan, dan semakin ramai orang Kristian mengalami penganiayaan. Apa yang telah terjadi? Jawabannya adalah mudah: orang Kristian di negara-negara tersebut tidak melakukan apa yang Yesus telah suruh lakukan: ***“Berjaga-jagalah dan berdoalah ...”*** (Matius 26:41).

Kita mesti ingat tujuan kita; tujuan kita berada di sini, dan ia hanyalah untuk sementara waktu. Kita adalah duta Tuhan, yang diutus dari Kerajaan syurgawi untuk menyelamatkan jiwa-jiwa orang di bumi ini. Oleh sebab itu, seperti yang dinyatakan dalam Alkitab, ***“... carilah perkara-perkara yang di atas, di mana Kristus duduk di sebelah kanan Allah. Fikirkanlah perkara-perkara yang di atas, bukan perkara-perkara yang di bumi”*** (Kolose 3:1-2).

PENGAKUAN

Aku berasal dari atas, dan aku tahu mengenainya. Peluang untuk pelayanan kini dibuka di seluruh dunia, dan ucapan diberikan kepada anak-anak Tuhan untuk memberitakan Injil Kristus tanpa halangan, dengan berkuasa dan efektif, dalam Nama Yesus. Amin.

KAJIAN TAMBAHAN:

Kisah Rasul-Rasul 26:16; Kolose 4:2-4; Ibrani 11:13

PELAN PEMBACAAN ALKITAB 1-TAHUN

2 Korintus 7:2-16 & Amsal 22-23

PELAN PEMBACAAN ALKITAB 2-TAHUN

2 Tesalonika 2:1-10 & Yeremia 26



Leave comments on today's devotional at
www.rhapsodyofrealities.org



RABU 9

BERWASPADALAH DENGAN GURU- GURU PALSU



TETAPI JUGA [pada masa itu] terdapat para nabi palsu di kalangan umat Allah, sama seperti kelak akan muncul guru-guru palsu di kalangan kamu, yang secara halus dan diam-diam akan memperkenalkan doktrin sesat (ajaran-ajaran yang membinasakan), bahkan menyangkal dan melawan Tuhan yang telah menebus mereka, sehingga dengan cepat mendatangkan kebinasaan pada diri mereka sendiri (2 Petrus 2:1 AMPC).

Sebagaimana ada saudara-saudara palsu dan para nabi palsu yang menimbulkan masalah di rumah Tuhan, sebegitu juga ada guru-guru palsu. Ini adalah orang yang menganggap diri mereka mempunyai pelayanan untuk mengajar walaupun mereka tidak dipanggil untuk menjadi guru, dan oleh sebab itu, dengan berbuat demikian, mereka mendedahkan diri mereka kepada iblis, dan mempromosikan ajaran-ajaran palsu. Mereka memberi ajaran yang tidak benar, di mana biasanya, mereka mendapat inspirasi tersebut dari roh penipuan.

Misalnya, sebilangan guru-guru palsu mengajar bahawa kedatangan Kristus semula ke bumi telah berlaku, dan dengan itu, mereka telah menyesatkan banyak orang. Beberapa guru yang lain mengatakan bahawa pelayanan Roh Kudus berakhir dengan para rasul. Sesetengah guru datang dengan tafsiran mimpi, dengan memberitahu orang bagaimana posisi tidur mereka yang berbeza-beza mempengaruhi mimpi-mimpi mereka, dan dengan mengajar apa yang akan

berlaku sekiranya orang makan dalam mimpi.

Ada guru yang bertindak dengan keterlaluan sehingga mengatakan bahawa saudara-mara kamu yang menyebabkan masalah-masalah berlaku di dalam hidup kamu, dan menimbulkan permusuhan di antara saudara-mara. Namun, Alkitab mengatakan bahawa perjuangan kita bukanlah melawan darah dan daging (Efesus 6:12). Malangnya, sebilangan orang sudah tertipu dengan ajaran-ajaran palsu seperti itu.

Hal ini mengingatkan kita pada kata-kata Yesus apabila Dia berfirman, ***“Kamu sesat, sebab kamu tidak mengerti Kitab Suci...”*** (Matius 22:29). Ketahuilah Firman dengan mendalam untuk dirimu sendiri, agar tidak ada orang yang akan dapat menipu kamu. Jadikanlah mempelajari Kitab Suci sebagai suatu perkara yang utama dalam kehidupanmu. Roh Kudus membuka hatimu kepada kebenaran-Nya dan kehendak-Nya, dan kamu dapat menguji segala sesuatu (1 Tesalonika 5:21), menguji setiap roh (1 Yohanes 4:1) dan memberitakan firman kebenaran dengan betul (2 Timotius 2:15).

DOA

Ya Bapa yang berharga, terima kasih atas Firman-Mu yang aku gunakan untuk mengemudi perjalananku sepanjang hidup. Aku tunduk pada Roh-Mu, yang merupakan jaminanku untuk menjalani kehidupan yang mempunyai potensi tanpa batas, dan tiada perkara yang mustahil dalam hidupku. Aku tidak boleh ditipu, kerana aku adalah anak Tuhan. Aku memenuhi takdir-Mu untuk hidupku, kerana aku mengenal Firman-Mu yang merupakan cahayaku dan keselamatanku, dalam Nama Yesus. Amin.

KAJIAN TAMBAHAN:

2 Petrus 2:3 MSG; 1 Timotius 4:1-2

PELAN PEMBACAAN ALKITAB 1-TAHUN

2 Korintus 8-9 & Amsal 24-26

PELAN PEMBACAAN ALKITAB 2-TAHUN

2 Tesalonika 2:11-17 & Yeremia 27



Leave comments on today's devotional at
www.rhapsodyofrealities.org



KHAMIS 10

PANGGILLAH NAMA MEREKA



Ketika Yesus melihat orang ramai mula datang berkerumun, Dia mengherdik roh jahat itu dengan berkata kepadanya, Engkau roh bisu dan tuli, Aku memerintahkan engkau, keluarlah daripada anak ini, dan jangan memasukinya lagi (Markus 9:25).

Sekiranya kamu ingin mengetahui cara mengusir iblis-iblis, Yesus telah menunjukkannya dengan jelas dalam ayat injil di atas. Dia memanggil nama roh yang bertanggungjawab ke atas situasi tersebut. Dia berkata, “Engkau roh bisu dan tuli, Aku memerintahkan engkau, keluarlah daripada anak ini, dan jangan memasukinya lagi.” Dia tidak hanya berkata, “Aku mengherdik engkau”; tidak, Dia mengatakan sesuatu untuk mengherdikinya. Dia memanggil nama roh jahat itu: roh bisu dan tuli. Dan semestinya, roh jahat itu pun keluar.

Ianya tidak cukup untuk mengatakan, “Syaitan, aku mengikat engkau.” Syaitan adalah nama umum bagi roh jahat. Apa nama roh jahat itu atau iblis itu yang sedang berlawan dengan kamu pada waktu tersebut? Kamu boleh mengetahui namanya melalui jenis penderitaan, masalah, atau melalui Roh Kudus yang mendedahkan namanya kepada kamu.

Ketika menjalankan pekerjaan mereka, iblis menunjukkan karakter mereka, dan hal ini dapat membantu kamu mengenal pasti identiti mereka dan memanggil namanya dengan tepat.

Melalui perwatakan iblis yang dinyatakan itu, kamu boleh mengetahui apa namanya, kerana nama

itu merupakan suatu gambaran perwatakan. Iblis dinamakan menurut karakter mereka, seperti apa yang kita lihat dalam Kitab Suci.

Contohnya, jika kamu mengenal pasti satu roh najis, maka kamu tidak perlu tertanya-tanya apakah nama roh iblis itu. Kamu memanggil namanya dan berkata, "Engkau roh najis, aku perintahkan engkau keluar dalam Nama Yesus!" Tidak ada iblis yang dapat melawan apabila kamu memerintah mereka dalam Nama Yesus.

Alkitab berkata, ***"...di dalam Nama Yesus, setiap lutut yang ada di syurga, dan yang ada di bumi, dan yang ada di bawah bumi akan bertelut"*** (Filipi 2:10). Markus 6: 7 mengatakan bahawa Dia memberi kita kuasa atas roh-roh jahat untuk mengusir mereka. Dalam Matius 10: 8, Dia menegaskan dan berkata, "Sembuhkanlah orang sakit, tahirkanlah orang kusta, bangkitkanlah orang mati, usirlah roh-roh jahat." Haleluyah!

DOA

Ya Bapa, aku bersyukur atas kuasa yang diberikan kepada aku untuk menggunakan Nama Yesus yang maha berkuasa untuk mengusir iblis-iblis. Syaitan tidak mempunyai tempat di dalam hidupku, atau di dalam rumahku atau di dalam kehidupan orang yang aku kasihi. Aku berjalan dalam kemenangan yang berterusan, dalam Nama Yesus. Amin.

KAJIAN TAMBAHAN:

Markus 1:25-26; Markus 16:17; Lukas 10:18-19

PELAN PEMBACAAN ALKITAB 1-TAHUN

2 Korintus 10:1-18 & Amsal 27-28

PELAN PEMBACAAN ALKITAB 2-TAHUN

2 Tesalonika 3:1-10 & Yeremia 28



Leave comments on today's devotional at
www.rhapsodyofrealities.org



JUMAAT 11

MENYATAKAN KEBAJIKAN DAN KEUNGGULAN-NYA



Tetapi kamulah bangsa yang terpilih, imam Raja, bangsa yang berdedikasi, umat kepunyaan (Tuhan sendiri) yang dibeli dan istimewa, supaya kamu memberitakan perbuatan-perbuatan yang luar biasa dan menunjukkan kebajikan dan kesempurnaan-Nya yang telah memanggil kamu keluar dari kegelapan dan masuk ke dalam terang-Nya yang ajaib (1 Petrus 2:9 AMPC).

Sebagai anak-anak Tuhan, kita dipanggil untuk memperlihatkan kebajikan dan kesempurnaan Kristus; inilah pelayanan kita; inilah kehidupan kita. Yesus berkata, ***“Akulah pokok anggur, dan kamulah ranting-rantingnya...”*** (Yohanes 15:5). Rantingnya adalah bahagian pokok yang berbuah. Kita menghasilkan buah-Nya, kebajikan-Nya.

Kebencian, kepahitan, kemarahan, penipuan, dan seumpamanya, bukanlah kebajikan Tuhan. Oleh sebab itu, semua itu bukan sebahagian daripada gambaran atau ciri-ciri roh kamu yang telah diciptakan semula. Sebaliknya, kamu sepatutnya menunjukkan kebaikan, kasih, belas kasihan, kesabaran, kelembutan, kebijaksanaan dan keunggulan Tuhan.

Oleh itu, pancarkanlah keunggulan di rumah, sekolah atau tempat kerja kamu, dan di mana-mana sahaja. Biarkanlah ia diperlihatkan dalam segala sesuatu mengenai kamu.

Tambahan pula, kata-katamu harus menyampaikan rahmat dan kebenaran. Nyatakan kebajikan dan kesempurnaan-Nya melalui kata-kata kamu yang lemah-lembut, yang memberi semangat dan yang beriman, penuh dengan kehidupan dan kuasa, untuk menyelamatkan jiwa.

Dia telah menjadikan kita suatu keajaiban di dunia ini; iaitu bekas-bekas untuk menunjukkan kemuliaan dan kebenaran-Nya. Melalui kamu, Dia menyatakan kasih-Nya kepada orang lain, dalam membangunkan Kerajaan-Nya di dalam hati manusia. Haleluyah!

PENGAKUAN

Aku menjalani kehidupan yang penuh dengan kemuliaan, kuasa, kejayaan dan pengaruh. Aku adalah hasil kerja tangan-Nya yang dicipta dalam Kristus Yesus, untuk memperlihatkan perbuatan-perbuatan-Nya yang baik, kebajikan-Nya, kesempurnaan-Nya, keunggulan-Nya, dan kebijaksanaan-Nya, dalam Nama Yesus. Amin.

KAJIAN TAMBAHAN:

Efes 2:10; Matius 5:14-16

PELAN PEMBACAAN ALKITAB 1-TAHUN

2 Korintus 11:1-15 & Amsal 29-31

PELAN PEMBACAAN ALKITAB 2-TAHUN

2 Tesalonika 3:11-18 & Yeremia 29



Leave comments on today's devotional at
www.rhapsodyofrealities.org

FOKUS UNTUK MEMENUHI IMPIAN-NYA



Janganlah mengasihi dunia ini, atau hal-hal yang di dalam dunia ini. Jika seseorang mengasihi dunia, kasih Bapa tidak ada di dalam orang itu. Sebab semua yang ada di dalam dunia, iaitu keinginan daging, dan keinginan mata, dan keangkuhan hidup, bukanlah berasal dari Bapa, melainkan dari dunia (1 Yohanes 2:15-16).

Tidak dapat dinafikan bahawa kedatangan Tuhan semula adalah lebih dekat dari yang disangkakan. Tetapi Alkitab mengatakan, ***“... sebab hari itu tidak akan datang, kecuali ada banyak orang yang berpaling daripada imam itu dahulu, dan orang yang berdosa itu iaitu anak kebinasaan dinyatakan”*** (2 Tesalonika 2:3). Kitab terjemahan “Amplified Classic” mengatakan seperti berikut: ***“...kerana hari itu tidak akan datang kecuali kemurtadan itu datang dahulu [melainkan hari yang diramalkan itu tiba di mana ramai orang yang telah mengaku sebagai orang Kristian telah berpaling dari imam], dan orang yang membuat pelanggaran (dosa) dinyatakan, iaitu anak neraka (kebinasaan).”***

Ini bererti akan ada orang yang mengaku sebagai orang Kristian, namun mereka telah berpaling dari iman; akan ada kemurtadan — orang yang membuat pilihan untuk melepaskan iman mereka dalam Yesus. Hal ini sudah pun berlaku, dan punca utamanya adalah godaan di dunia ini; tipu daya kekayaan, dan nafsu untuk perkara-perkara lain. Jadi, apa yang Tuhan lihat, dan bagaimana kamu harus hidup pada hari-hari yang terakhir ini? Apa pilihan yang kamu patut buat?

Nasihat-Nya adalah apa yang kita telah baca dalam ayat injil pembukaan kita. Tumpukan perhatian

kepada Kristus! Fokus pada perkara-perkara mengenai Kerajaan, dan bukannya pada kesenangan yang hanya sementara di dunia ini. Kolose 3:1 mengungkapkannya dengan begitu indah sekali. Ia berkata, "Oleh kerana itu, jika kamu telah dibangkitkan bersama dengan Kristus, carilah perkara-perkara yang di atas, di mana Kristus duduk di sebelah kanan Allah."

Tumpukan tenagaamu untuk memenuhi impian Tuhan, visi-Nya untuk mengembangkan Kerajaan dan melakukan penginjilan dunia. Jangan menjadi seperti orang yang terikat dengan perkara-perkara di dunia ini, hanya mementingkan keuntungan dan keselesaan diri mereka sendiri. Mereka telah dikuasai oleh roh dunia ini.

Yesus berkata, ***"Sebab apakah untungnya bagi seseorang, jika dia memiliki seluruh dunia, tetapi kehilangan jiwanya?"*** (Markus 8:36). Ianya sangat penting untuk kamu menjalani kehidupanmu yang dibangunkan dalam Kristus, berakar dan berdasarkan di dalam Dia. Tetaplah teguh, jangan goyah, melakukan pekerjaan Tuhan dengan penuh sukacita. Haleluyah!

PENGAKUAN

Ya Bapa, terima kasih kerana memanggil aku dengan suatu panggilan kudus, dan kerana memberikan aku kekuatan batin untuk hidup demi Engkau. Aku berakarkan dan berdasarkan Kristus; aku telah menyalibkan daging dengan segala hawa nafsu dan keinginannya. Satu-satunya impianku adalah pengembangan Kerajaan-Mu, menyebarkan kasih Kristus dan keselamatan-Nya sampai ke hujung bumi. Haleluyah!

KAJIAN TAMBAHAN:

Wahyu 3:11-13

PELAN PEMBACAAN ALKITAB 1-TAHUN

2 Korintus 11:16-33 & Pengkhotbah 1-2

PELAN PEMBACAAN ALKITAB 2-TAHUN

1 Timotius 1:1-7 & Yeremia 30



Leave comments on today's devotional at
www.rhapsodyofrealities.org



AHAD 13

SEMPURNA DAN BERKEYAKINAN PENUH DI DALAM DIA



Salam dari Epafra, seorang dari antara kamu, hamba Kristus, yang selalu berjuang demi kamu dalam doa-doa, supaya kamu dapat berdiri teguh, sempurna dan berkeyakinan penuh di dalam segala kehendak Allah (Kolose 4:12).

Dalam ayat injil di atas, perkataan-perkataan “sempurna” dan “berkeyakinan penuh” boleh digunakan secara selang-seli. Dalam erti kata lain, di tempat “sempurna” di atas, kamu juga dapat menggunakan “berkeyakinan penuh,” dan sebaliknya.

“Sempurna” di sini merujuk pada berdiri teguh; tidak goyah. Ia juga bermaksud matang; untuk mencapai tahap kesempurnaan atau kematangan, untuk menjadi “dewasa sepenuhnya.” Ia merupakan tempat kepenuhan; penuh dengan pengertian, kebijaksanaan dan pengetahuan; kepenuhan Roh. Haleluyah!

Oleh itu, Epafra, melalui Roh, berdoa agar orang Kristian di Kolose mencapai tahap kematangan, berdiri teguh, berkeyakinan penuh dan sempurna dalam Kristus. Tuhan menginginkan sebegini dalam hidupmu. Dia mahu kamu menjadi orang Kristian yang cukup matang, matang untuk melakukan perkara-perkara Tuhan.

Semakin matang kerohanianmu, semakin banyak kamu dapat memenuhi impian Tuhan untuk hidupmu. Oleh itu, tetapkanlah matlamat untuk mempertingkatkan pertumbuhan rohanimu bagi

dirimu. Katakan pada dirimu sendiri, “Aku akan bertumbuh; Aku akan mencapai tahap kematangan, di mana aku hanya berfikir secara rohani, berfikir dengan matang dalam Kristus, dan penuh dengan Firman Tuhan”; dan terus melaksanakannya.

Efesus 4: 12-13 mengatakan bahwa Tuhan memberikan anugerah pelayanan kepada Gereja untuk tujuan ini: ***“...penyempurnaan orang kudus, bagi pekerjaan pelayanan, bagi pembangunan tubuh Kristus: sehingga kita semua telah mencapai kesatuan iman dan pengetahuan tentang Anak Allah, kedewasaan penuh, dan tingkat pertumbuhan yang sesuai dengan kepenuhan Kristus.”***

Jika ia merupakan suatu perkara yang mustahil untuk mencapai pertumbuhan yang sesuai dengan kepenuhan Kristus, Tuhan tidak akan menyuruh kita berbuat demikian. Inilah impian-Nya. Oleh itu, lakukanlah ia dengan mempelajari dan merenungkan Firman dengan bersungguh-sungguh, dan serahkan dirimu kepada pelayanan Roh Kudus.

PENGAKUAN

Dalam Kristus ada kepenuhan keilahian secara lahiriah, dan aku cukup sempurna di dalam Dia, yang merupakan ketua segala pemerintah dan kuasa. Aku menjalani kehidupan yang luar biasa dalam Kristus, stabil, tidak goyah, dan teguh dalam iman apabila aku berterusan hidup dalam terang Firman. Haleluyah!

KAJIAN TAMBAHAN:

Efesus 4:14-15; Ibrani 5:14

PELAN PEMBACAAN ALKITAB 1-TAHUN

2 Korintus 12:1-21 & Pengkhotbah 3-5

PELAN PEMBACAAN ALKITAB 2-TAHUN

1 Timotius 1:8-14 & Yeremia 31



Leave comments on today's devotional at
www.rhapsodyofrealities.org



DIA MENGINGINKAN HATIMU



Hai anakku, berikanlah hatimu kepadaku, dan biarlah matamu memerhatikan jalan-jalanku (Amsal 23:26).

Manusia adalah tetap sama, tidak kira bagaimana keadaan mereka. Artinya, tidak kira orang miskin atau orang kaya misalnya, mereka tetap manusia, kecuali perubahan dalam hati mereka. Sekiranya seseorang adalah miskin dan jahat, dia tidak akan berubah setelah dia menjadi kaya. Ketika dia masih miskin, dia tidak mempunyai sumber untuk melakukan kejahatan yang ada di dalam hatinya. Jadi, apabila dia menjadi kaya, dia dapat melaksanakan segala kejahatan yang ada di hatinya dengan sumber kekayaan itu.

Wang memperkuat karakter. Orang hanya mengerjakan kebaikan atau keburukan di dalam hati mereka, bergantung pada sumber mereka. Yesus berkata, ***“jikalau suatu pohon kamu katakan baik, maka buahnya pun baik; jikalau suatu pohon kamu katakan tidak baik, maka buahnya pun tidak baik...”*** (Matius 12:33). Ini bermaksud diri orang itu disamakan dengan keadaan batin mereka. Jadi, apa yang Tuhan inginkan? Dia menginginkan suatu perubahan dalam hatimu; suatu transformasi di dalam batinmu.

Itulah sebabnya Dia mendirikan kerajaan-Nya terlebih dahulu di dalam hati kamu. Dia mengutamakan kasih-Nya di dalam hatimu. Hatimu adalah tempat

Dia bekerja; di situlah terdapat segala berkat-Nya. Kemudian, dari hatimu, segala berkat itu boleh dialirkan kepada orang lain. Setelah dilahirkan semula, kamu memiliki kehidupan dan sifat Tuhan di dalam hati kamu; dan kerana sekarang kamu berada di dalam Kristus, maka kamu adalah seorang pemberi kehidupan.

Transformasi dan kemuliaan yang nyata dalam jiwa dan tubuhmu adalah kesan dari impak dan pengaruh kehidupan dan sifat Tuhan yang ada di dalam roh kamu. Dalam ayat injil tema kita, Dia berkata, ***“Hai anakku, berikanlah hatimu kepadaku....”*** Sekiranya kamu tidak pernah dilahirkan semula, inilah saat kamu; serahkan hatimu kepada-Nya. Belek ke halaman Doa Keselamatan di dalam buku ini dan berdoalah dengan doa itu, dari lubuk hatimu.

DOA

Ya Bapa, terima kasih kerana mendirikan Kerajaan-Mu di hatiku. Dengan hatiku, aku membayangkan dan memahami realiti-realiti tentang Injil dan tentang kehidupan Kerajaan. Aku berdoa untuk orang yang berdosa di dunia ini, agar hati mereka terbuka untuk menerima Injil, dan diselamatkan; supaya kuasa Tuhan untuk keselamatan menerangi hati mereka bahkan sekarang, dalam Nama Yesus. Amin.

KAJIAN TAMBAHAN:

Lukas 6:45; Ibrani 10:22

PELAN PEMBACAAN ALKITAB 1-TAHUN

2 Korintus 13:1-14 & Pengkhotbah 6-8

PELAN PEMBACAAN ALKITAB 2-TAHUN

1 Timotius 1:15-20 & Yeremia 32



Leave comments on today's devotional at
www.rhapsodyofrealities.org

Nota-Nota

Nota-Nota

Nota-Nota

Nota-Nota



SELASA 15

DIA MENYERTAI KAMU DAN DIAM DI DALAM KAMU



Dan Aku akan meminta kepada Bapa, dan Dia akan memberikan kepadamu seorang Penolong yang lain, supaya Dia menyertai kamu selama-lamanya; iaitu Roh Kebenaran; yang dunia tidak dapat menerima Dia, sebab dunia tidak melihat Dia, dan juga tidak mengenal Dia: tetapi kamu mengenal Dia; sebab Dia menyertai kamu dan akan diam di dalam kamu (Yohanes 14:16-17).

Kata-kata yang memberi ketenangan dan yang menggembirakan jiwa di atas diucapkan oleh Yesus sebelum kenaikan-Nya ke syurga. Dia tahu murid-murid-Nya akan merindui-Nya; jadi Dia berkata, "Tenanglah! Aku akan pergi kepada Bapa, dan Aku akan meminta Dia untuk memberikan kepadamu Roh Kudus (Penolong yang lain). Apabila Roh Kudus datang, Dia akan tinggal di dalam hatimu, dan kamu tidak perlu mencari Aku atau merasakan kehilangan-Ku. Daripada Aku berjalan dengan kamu, Aku akan berjalan di dalam kamu." Maha Mulia Tuhan!

Yesus menunaikan janji-Nya dan Bapa telah mengutus Roh Kudus pada hari Pentakosta. Kisah Para Rasul 2: 1-4 menyatakan, "Dan ketika hari Pentakosta tiba, semua orang yang percaya berkumpul di satu tempat. Dan tiba-tiba datanglah suatu bunyi dari langit seperti angin kencang yang menderu dan memenuhi seluruh rumah, tempat mereka sedang duduk. Dan tampaklah kepada mereka lidah-lidah seperti nyala api yang bertebaran dan menghinggapi setiap orang di situ. Dan mereka semua dipenuhi dengan Roh Kudus...." Dan sebab sekarang kamu sudah dilahirkan semula, maka kamu tidak perlu mencari Yesus; kamu tidak perlu menangis dan berseru, "Tuhan, di manakah Engkau?" Dia ada di dalam kamu sekarang! Hal ini bermakna kehadiran Tuhan ada di dalam hatimu!

Saya tidak tahu apa persepsi kamu terhadap Tuhan dan Kristianiti sebelum ini; namun ketahuilah perkara ini, sekiranya kamu telah menerima Roh Kudus, maka kamu mempunyai Tuhan di dalam dirimu. Sebab itulah Yohanes berkata, "Kamu berasal dari Allah, anak-anakku, dan kamu telah mengalahkan "musuhmu", kerana Roh yang ada di dalam kamu lebih besar daripada roh yang ada di dalam dunia" (1 Yohanes 4: 4). Haleluyah

Tidak kira apa yang kamu hadapi dalam hidupmu, ada sebuah wahyu baru; ini adalah wahyu tentang keilahian dalam dirimu! Paulus telah menggambarkannya sebagai suatu rahsia yang tersembunyi dari generasi ke generasi, tetapi sekarang ia dinyatakan kepada orang kudus Allah, iaitu **"Kristus yang ada di dalam kamu adalah pengharapan akan kemuliaan"** (Kolose 1:26-27).

Adam tidak tahu tentang hal ini. Abraham tidak mengetahuinya. Ishak tidak tahu mengenai hal ini. Tidak ada seorang pun dari bapa leluhur kita yang dulu-dulu tahu akan misteri ini. Hal ini lebih besar daripada "Imanuel!" (Allah menyertai kita); ini adalah Syurga di dalam kamu! Kepenuhan keilahian tinggal di dalam dirimu, dan dinyatakan melalui kamu! Terpujilah Tuhan selama-lamanya!

DOA

Ya Bapa, terima kasih atas penghormatan dan berkat yang besar kerana membolehkan Kristus tinggal di dalam diriku melalui Roh-Nya; melalui kehadiran-Nya di dalam diriku, aku dipenuhi dengan tenaga ilahi dan kebijaksanaan yang luar biasa untuk melakukan kehendak Tuhan, dan hidup dengan penuh kemenangan ke atas segala manipulasi roh yang jahat dan pengaruh-pengaruh yang merosakkan di dunia ini. Haleluyah!

KAJIAN TAMBAHAN:

Kisah Rasul-Rasul 2:1-4; 1 Korintus 3:16; Kisah Rasul-Rasul 17:28

PELAN PEMBACAAN ALKITAB 1-TAHUN

Galatia 1:1-24 & Pengkhotbah 9-12

PELAN PEMBACAAN ALKITAB 2-TAHUN

1 Timotius 2:1-15 & Yeremia 33



Leave comments on today's devotional at
www.rhapsodyofrealities.org



ADA SAUDARA-SAUDARA PALSU



Dan oleh sebab saudara-saudara palsu yang menyusup masuk tanpa disedari, iaitu yang telah datang secara diam-diam untuk mengintip kebebasan kita yang kita miliki dalam Kristus Yesus, agar mereka dapat memperhambakan kita (Galatia 2:4).

Alkitab memberitahu kita tentang tiga kumpulan ini: guru-guru palsu, nabi-nabi palsu dan saudara-saudara palsu. Ia juga jelas menunjukkan pelbagai perkara yang mereka akan lakukan pada zaman akhir ini. Benarkah ada saudara-saudara palsu di gereja? Sudah tentu benar! Saudara-saudara palsu adalah orang yang berada di kalangan umat Tuhan, bukan oleh kerana kasih mereka kepada Yesus Kristus, tetapi untuk tujuan yang berbeza.

Ayat injil pembukaan kita mengatakan bahawa mereka menyusup masuk tanpa disedari, untuk mengintip kebebasan kita dalam Kristus Yesus, agar mereka dapat memperhambakan kita. Mereka menyamar dengan identiti mereka yang palsu, supaya mereka memperoleh kelebihan. Alkitab mengatakan, ***“Dan kerana keserakahan mereka (nafsu, ketamakan) mereka akan mengeksploitasi kamu dengan kata-kata palsu (licik)...”*** (2 Petrus 2: 3 AMPC).

Saudara-saudara palsu sentiasa mencari cara untuk menjana duit dari saudara-saudara yang lain. Mereka adalah orang yang tidak memberi persembahan persepuluhan atau sebarang apabentuk persembahan di gereja. Tujuan mereka adalah untuk mencari bahan perniagaan dari saudara-saudara di gereja. Mereka boleh melakukan apa sahaja untuk wang, termasuk mengkhianati Pastor dan ketua mereka, bahkan gereja juga. Mereka adalah orang yang menghebohkan hal-hal gereja kepada orang ramai, atau membuat laporan yang tidak baik kepada pihak berkuasa, atau berita media, demi duit. Alkitab mengatakan bahawa mereka ada di kalangan kita untuk mengintip kita, dengan

harapan dapat memperoleh peluang untuk membuat tuduhan terhadap kita.

Janya mungkin tidak mudah untuk mengenal pasti saudara-saudara palsu disebabkan oleh penyamaran mereka. Tetapi Yesus berkata, ***"Jadi, dari buahnya lah kamu akan mengenal mereka"*** (Matius 7:20). Salah satu tanda yang dapat mengenal pasti saudara-saudara palsu tersebut adalah mereka tidak menyukai kuasa. Mereka akan cuba menyakinkan orang lain tentang mengapa mereka tidak patut mempercayai atau melakukan segala apa yang Pastor atau ketua gereja suruh lakukan. Sekiranya mereka mendengar bahawa kamu ingin mendapatkan bimbingan dari Pastor mengenai sesuatu yang peribadi bagi kamu misalnya, mereka akan memperlekehkan idea tersebut dan membuat kamu berasa bodoh.

Nasihat Tuhan kepada kita tentang saudara-saudara palsu ini adalah agar kita mengenal pasti identiti mereka, dan menjauhi mereka, disebabkan oleh pengaruh mereka yang boleh merosakkan itu. Banyak orang Kristian yang sejati telah berpaling dari iman mereka oleh kerana pergaulan yang tidak sihat itu. Oleh itu, lakukanlah apa yang Firman katakan: ***"Jauhkan dirimu dari setiap saudara yang hidup tidak tertib"*** (2 Tesalonika 3:6).

DOA

Terima kasih Tuhan, kerana melalui Roh aku dapat mengenal pasti roh kesalahan dan bertindak dengan bijak. Firman membimbing aku di jalan yang betul dan dalam hubunganku. Aku ditetapkan untuk berjalan menurut kehendak dan tujuan-Mu yang sempurna untuk hidupku, dalam Nama Yesus. Amin.

KAJIAN TAMBAHAN:

2 Yohanes 1:9-10; 2 Tesalonika 3:6 AMPC

PELAN PEMBACAAN ALKITAB 1-TAHUN

Galatia 2:1-21 & Kidung Agung 1-2

PELAN PEMBACAAN ALKITAB 2-TAHUN

1 Timotius 3:1-7 & Yeremia 34



Leave comments on today's devotional at
www.rhapsodyofrealities.org



KHAMIS 17

JADILAH SERIUS DENGAN TUHAN



Dengan tenang katakan ya kepada Tuhan dan Dia akan berada di sana dalam sekelip mata. Berhentilah melakukan dosa. Sucikan kehidupan batinmu. Berhentilah berzina. Merataplah, dan menangislah. Keseronokan dan permainan sudah berakhir. Jadilah serius, betul-betul serius (Yakobus 4:8-9 MSG).

Efesus 5:15-16 adalah nasihat yang bermanfaat bagi kita terutama pada hari-hari yang terakhir ini. Ia mengatakan, ***“Oleh kerana itu, perhatikanlah bagaimana kamu hidup dengan hati-hati, bukan seperti orang bodoh, tetapi seperti orang yang bijak. Pergunakanlah waktu yang ada, kerana hari-hari ini adalah jahat.”*** Risikonya sangat tinggi. Kamu tidak boleh menjalani kehidupanmu dengan lalai sebagai anak Tuhan. Kamu adalah milik Yesus Kristus; oleh itu, layanilah Dia dengan hidupmu. Hiduplah untuk Dia.

Alkitab mengatakan, “Atau tidak tahukah kamu bahawa tubuhmu adalah rumah Roh Kudus yang tinggal di dalam kamu, yang telah kamu peroleh dari Allah, dan kamu bukan milik kamu sendiri? Sebab kamu telah dibeli dengan suatu harga: oleh sebab itu, muliakanlah Allah dengan tubuhmu, dan dengan rohm, yang adalah milik Allah” (1 Korintus 6: 19-20). Kamu bukan milikmu sendiri; kamu adalah milik Yesus Kristus, dan Dia mempunyai tujuan untuk kehidupanmu di mana kamu harus memenuhinya. Itulah perkara yang paling penting bagi kamu: menemui tujuan kamu di dalam Dia dan memenuhinya.

Kehidupanmu bukan mengenai impian, rancangan, aspirasi atau cita-cita peribadi kamu. Alkitab mengatakan, ***“Jadi, jika segala sesuatu ini akan hancur secara demikian, betapa suci dan salehnya kamu harus hidup”*** (2 Petrus 3:11). Tidak kira bagaimana

indahnyanya struktur-struktur yang kamu lihat di dunia atau kesenangan yang kamu peroleh dari bumi ini, tidak ada bezanya; semua ini akan musnah.

Hal ini mengingatkan saya kepada Raja Salomo yang telah membina rumah Tuhan yang terindah sekali. Ianya diraikan secara besar-besaran, dan sudah tentu, Tuhan juga berasa gembira dan telah memberkatinya. Namun Tuhan kita tidak tinggal di dalam rumah yang dibina dengan tangan. Apabila mereka membuat penyembahan berhala dan mula menyembah dewa dan dewi, lalu rumah Tuhan yang indah itu dihancurkan, sebagai satu hukuman kerana mereka tidak berjalan selaras dengan Firman-Nya.

Tuhan tidak mempedulikan perkara-perkara duniawi. Segala sesuatu yang kamu miliki di dunia ini datang dari sesuatu yang sudah wujud, dan jika hal ini benar, mengapa kamu tidak menjalani kehidupanmu untuk Dia yang telah menciptakan semua perkara pada asalnya? Layanilah Dia dengan hidupmu. Hendaklah kamu serius, benar-benar serius dalam pelayananmu untuk Tuhan.

DOA

Aku telah dilahirkan bagi kemuliaan Tuhan, untuk berjalan bersama-sama dengan-Nya dan membawa penghormatan kepada-Nya. Dia telah merancang dari awal supaya aku harus melayani Dia dengan hidupku, dan berjalan bersama dengan-Nya, menyenangkan hati-Nya dalam segala sesuatu, dan membuahkan hasil dalam setiap pekerjaan yang baik. Inilah semangatku, hasrat dan tujuanku setiap hari, dalam Nama Yesus. Amin.

KAJIAN TAMBAHAN:

1 Petrus 1:18-19; Efesus 2:10 AMPC; 1 Korintus 7:23

PELAN PEMBACAAN ALKITAB 1-TAHUN

Galatia 3:1-14 & Kidung Agung 3-5

PELAN PEMBACAAN ALKITAB 2-TAHUN

1 Timotius 3:8-16 & Yeremia 35



Leave comments on today's devotional at
www.rhapsodyofrealities.org



JUMAAT 18

JANGAN ABAIKAN DORONGAN UNTUK BERDOA



Oleh itu, tundukkanlah dirimu kepada Allah. Lawanlah iblis, maka dia akan melarikan diri daripada kamu (Yakobus 4:7).

Sebagai orang Kristian, ianya penting bagi kamu untuk mengetahui bagaimana untuk betul-betul menikmati kehidupan yang Tuhan telah berikan kepada kamu dan bagaimana untuk bertindak balas secara rohani apabila perkara-perkara yang tertentu berlaku di sekitar kamu. Inilah sebabnya mengapa doa itu begitu penting. Apabila kita berdoa, sesuatu berlaku. Dia tidak pernah menyuruh kita berdoa dengan sia-sia. Bila-bila sahaja kamu mempunyai keinginan untuk berdoa, jangan abaikannya.

Setiap orang yang mempunyai Roh Kudus pasti akan memiliki dorongan untuk berdoa dari masa ke masa, kerana Dia sendiri adalah Roh yang berdoa. Dia mengajar kita untuk berdoa, dan Dia berdoa melalui kita. Dia menggerakkan hati kita untuk berdoa dan malah Dia meletakkan perkataan-perkataan di mulut kita untuk berdoa. Selagi kamu menjalani kehidupan yang dipimpin oleh Roh, kamu akan sentiasa mempunyai keinginan untuk berdoa. Jika tidak, bagaimana kamu dapat menentang iblis?

Iblis adalah makhluk roh; kita tidak melawannya dengan kekuatan otot-otot atau fizikal? Kita tidak menentangnya dengan benda-benda duniawi; kita melawannya dengan iman kita. Alkitab mengatakan Lawanlah iblis, maka dia akan melarikan diri (Yakobus 4:7); dia tidak mempunyai pilihan. Dia takut akan kita

kerana Nama Yesus.

Apabila kamu mengerti kuasa yang sangat besar ini telah diberikan kepada kamu untuk melumpuhkan segala aktiviti Syaitan—sama ada dalam hidupmu, dalam hidup orang yang kamu kasihi, di bandar atau di negara kamu—kamu pasti ingin berdoa! Jangan duduk mendiamkan diri dan membiarkan iblis mengamuk di sekeliling kamu. Berdoalah. Gunakan Nama Yesus untuk melawannya.

Ketika kamu bersekutu dengan Tuhan dalam doa, Roh Kudus akan menunjukkan kepada kamu perkara-perkara yang harus kamu doakan dan bagaimana untuk berdoa. Dia akan mengajar kamu bagaimana untuk menangani perkara-perkara di alam roh dan menang. Haleluyah!

DOA

Terima kasih ya Bapa yang diberkati, atas keistimewaan untuk berdoa dan anugerah untuk berdoa dalam bahasa roh. Aku bertindak balas kepada bimbingan dan dorongan Roh untuk memastikan bahawa melalui doa, kehendak-Mu dibangunkan di bumi seperti yang di syurga, dan karakter dan personaliti-Mu dinyatakan melalui aku, dalam Nama Yesus. Amin.

KAJIAN TAMBAHAN:

1 Tesalonika 5:17; 1 Korintus 14:2; Roma 8:26-27

PELAN PEMBACAAN ALKITAB 1-TAHUN

Galatia 3:15-25 & Kidung Agung 6-8

PELAN PEMBACAAN ALKITAB 2-TAHUN

1 Timotius 4:1-8 & Yeremia 36



Leave comments on today's devotional at
www.rhapsodyofrealities.org



SABTU 19

KETAHUILAH KEHIDUPANMU DALAM KRISTUS



Dalam hal inilah kasih disempurnakan dalam diri kita, supaya kita beroleh keberanian pada Hari Penghakiman: kerana sebagaimana Kristus, sebegitu juga kita di dunia ini (1 Yohanes 4:17).

Apabila kamu membaca ayat injil di atas, “...***Asebagaimana Kristus, sebegitu juga kita di dunia ini,***” ia tidak berbicara tentang kita menjadi seperti Yesus sebelum Dia mati, tetapi untuk menjadi seperti Yesus yang telah dibangkitkan dengan kehidupan kekal! Kita mempunyai kehidupan yang sama dengan-Nya sekarang. Alkitab mengatakan, “***Sesiapa yang memiliki Anak, mempunyai hidup ...***” (1 Yohanes 5:12). Sekiranya kamu memiliki Yesus, kamu mempunyai kehidupan yang kekal—kehidupan Tuhan! Bukan kehidupan biologi yang kamu perolehi pada waktu kamu dilahirkan oleh ibu bapa kamu.

Itulah sebabnya Yesus berkata, “***Jika seseorang tidak dilahirkan semula, dia tidak dapat melihat Kerajaan Allah***” (Yohanes 3:3). Dan ketika Dia mengatakan bahawa kehidupan biologi kamu tidak dapat melihat Kerajaan Allah, Dia tidak bercakap tentang hanya pergi ke Syurga; Dia berbicara mengenai realiti Kerajaan Tuhan; penguasaan Tuhan di dunia; kehidupan dan sifat Tuhan yang orang alami di dunia ini.

Apabila kamu dilahirkan semula, kamu akan menikmati kehidupan dari kerajaan Tuhan sekarang; ia menjadi pengalaman kamu setiap hari; perjalanan hidup kamu setiap hari. Inilah Kristianiti. Ianya bagaikan Kristus benar-benar hidup di dalam kamu; kamu telah menjadi satu dengan-Nya dan tidak dapat dipisahkan. 1 Korintus 6:17 berkata, “***Tetapi orang yang menyatukan***

dirinya dengan Tuhan, menjadi satu roh.”

Setelah menjadi satu dengan Tuhan dalam satu roh, bagaimana kamu boleh menjadi bimbang dengan segala virus, bakteria, kuman, atau apa sahaja yang merosakkan dunia ini? Sebab inilah Yohanes mahu kamu mengetahui apa yang kamu miliki. Dia berkata, ***“Semuanya itu kutuliskan kepada kamu, yang percaya kepada nama Anak Allah; supaya kamu tahu bahawa kamu memiliki hidup yang kekal...”*** (1 Yohanes 5:13).

Apabila kamu memahami siapa diri kamu dalam Kristus, kamu akan sedar bahawa ianya mustahil untuk kamu menjadi sakit. Setelah kamu mengenali dan mengetahui kehidupanmu dalam Kristus, kamu tidak perlu takut akan apa-apa di dunia ini, kerana kamu tidak boleh dibinasakan. Betapa menakjubkan kehidupan yang Dia telah berikan kepada kita! Haleluyah!

PENGAKUAN

Aku mempunyai kehidupan Tuhan yang luar biasa, yang tidak boleh dihancurkan, yang tidak boleh dibinasakan dan yang penuh dengan mukjizat dalam diriku. Aku adalah bangsa Tuhan! Kehidupan keilahian bekerja di dalam diriku, dan kehidupan ilahi itu mengalir dalam segenap tubuhku, yang menghancurkan kesakitan, penyakit, kelemahan, maut, kemiskinan, dan segala sesuatu yang tidak konsisten dengan peruntukan dari Injil Kristus. Aku kebal, tidak dapat dibinasakan dan tidak dapat dikalahkan. Haleluyah!

KAJIAN TAMBAHAN:

1 Yohanes 5:11-13; 1 Korintus 15:47-49 AMPC

PELAN PEMBACAAN ALKITAB 1-TAHUN

Galatia 3:26-4:1-20 & Yesaya 1-2

PELAN PEMBACAAN ALKITAB 2-TAHUN

1 Timotius 4:9-16 & Yeremia 37



Leave comments on today's devotional at
www.rhapsodyofrealities.org



AHAD 20

TELAH DIBELI DENGAN DARAH-NYA



Sebab kamu telah dibeli dengan suatu harga: oleh sebab itu, muliakanlah Allah dengan tubuhmu, dan dengan rohmu, yang adalah milik Allah (1Korintus 6:20).

Dalam 1 Korintus 11:25, Alkitab mencatat bahawa Yesus mengambil *“cawan, sesudah makan, lalu berkata, Cawan ini adalah perjanjian baru di dalam darah-Ku: lakukanlah ini, setiap kali kamu meminumnya, menjadi peringatan akan Aku.”* Darah-Nya melambangkan kehidupan-Nya; Dia telah menyerahkan nyawa-Nya untuk kita agar kita dapat hidup. Ia membuat kita tahu betapa pentingnya kamu bagi Tuhan. Alkitab mengatakan bahawa kita tidak dibeli dengan perak atau emas atau batu permata tetapi dengan darah, iaitu darah Yesus Kristus, Anak Allah yang hidup (1 Petrus 1:18-19).

“Kerana kamu tahu rahmat Tuhan kita Yesus Kristus, bahawa, meskipun Dia kaya, Dia telah menjadi miskin kerana kamu, supaya melalui kemiskinan-Nya, kamu dapat menjadi kaya” (2 Korintus 8:9). Dalam kehidupanmu, perkara terpenting yang harus kamu fikirkan adalah darah-Nya, yang mewakili kehidupan-Nya merupakan nilai dirimu yang sebenar. Dan disebabkan oleh darah itu, kamu

dilindungi. Kamu adalah milik Tuhan; oleh itu, kamu tidak boleh dikuasai oleh musuh-musuhmu atau dikuasai oleh dosa.

Darah-Nya menyatakan kebenaranmu. Kamu disucikan dan dipelihara oleh darah-Nya. Alkitab mengatakan, ***“Juga bukan dengan cara membawa darah kambing jantan dan darah anak lembu, tetapi dengan membawa darah-Nya sendiri, Dia telah masuk satu kali untuk selama-lamanya ke dalam tempat kudus untuk memperoleh penebusan yang kekal”*** (Ibrani 9:12). Terima kasih Tuhan untuk darah Yesus Kristus yang sangat berharga itu! Haleluyah!

PENGAKUAN

Darah Yesus memberikan aku pengampunan, membenaran, penebusan, akses, persekutuan, pembersihan dan berkat-berkat dari Perjanjian Baru. Aku dilahirkan dari Firman-Nya, satu ciptaan baru; lebih berkuasa daripada Syaitan, dunia ini serta sistem-sistem dan elemen-elemen dunia yang gagal ini. Haleluyah!

KAJIAN TAMBAHAN:

1 Petrus 1:18-19; Ibrani 10:14-20

PELAN PEMBACAAN ALKITAB 1-TAHUN

Galatia 4:21-5:1-15 & Yesaya 3-5

PELAN PEMBACAAN ALKITAB 2-TAHUN

1 Timotius 5:1-10 & Yeremia 38



Leave comments on today's devotional at
www.rhapsodyofrealities.org



ISNIN 21

NAMA KAMU DI DALAM KITAB KEHIDUPAN



Dan jika seseorang mengurangkan kata-kata nubuat di dalam kitab ini, maka Allah akan mengambil bahagiannya dari Kitab Kehidupan... (Wahyu 22:19).

Banyak orang yang menganggap bahawa apabila seseorang menyerahkan hatinya kepada Kristus, maka di saat itulah namanya akan ditulis dalam Kitab Kehidupan. Namun, bukan itu yang Alkitab ajarkan. Ia bukannya tentang nama kamu ditulis di dalam Kitab Kehidupan; ajarannya adalah mengenai nama kamu dihapuskan dari Kitab Kehidupan.

Dalam Keluaran 32:32, Musa berkata kepada Tuhan, ***“... aku mohon, hapuskanlah namaku dari dalam kitab-Mu yang telah Engkau tulis.”*** Musa tahu tentang Kitab Kehidupan. Ia bukanlah kitab di mana nama kamu ditulis di saat kamu dilahirkan semula, kerana Musa sendiri tidak “dilahirkan semula.” Jadi, apa itu Kitab Kehidupan? Ia adalah kitab di mana Tuhan mendaftarkan setiap nama orang yang telah dilahirkan ke dunia ini.

Baca semula ayat injil tema kita; ia merupakan sebuah peringatan untuk semua orang. Rancangan Tuhan pada asalnya adalah untuk kita hidup bersama dengan-Nya. Alkitab mengatakan bahawa Dia ***“tidak ingin sesiapa pun binasa, melainkan supaya semua orang bertaubat”*** (2 Petrus 3:9). Api yang kekal itu tidak pernah dipersiapkan untuk manusia (Matius 25:41), tetapi untuk iblis dan para malaikatnya. Namun,

Tuhan memberi manusia kuasa untuk membuat pilihan.

Sesiapa yang tidak menemui nama mereka di dalam Kitab Kehidupan nanti, maka mereka hanya boleh mempersalahkan diri mereka sendiri. Dalam Keluaran 32:33, Tuhan membalas kata-kata Musa yang kita telah baca tadi, dengan berkata, ***“Sesiapa yang telah berdosa terhadap-Ku, Aku akan menghapuskan dia dari kitab-Ku”*** (Keluaran 32:33). Maksudnya adalah kamu hanya perlu menjalani kehidupanmu untuk Tuhan.

Berjalanlah setiap hari dalam kasih dan kebenaran, dan nama kamu akan kekal ada di dalam Kitab Kehidupan. Jalani kehidupan yang memuliakan Yesus Kristus. 2 Korintus 5:15 berkata, ***“Dan Dia telah mati untuk semua orang, supaya mereka yang hidup, tidak lagi hidup untuk dirinya sendiri, tetapi untuk Dia yang telah mati dan telah dibangkitkan untuk mereka.”***

DOA

Ya Bapa yang setia dan benar, terima kasih atas hak keistimewaan untuk menjadi saksi kuasa penyelamatan-Mu; aku berdoa agar jiwa orang di seluruh dunia hari ini menerima Firman-Mu dan bertaubat! Dan juga, aku mengisytiharkan bahawa kerja-kerjaku di dalam Kerajaan-Mu, dan perjalananku bersama dengan-Mu, disucikan oleh Roh-Mu, bagi kemuliaan-Mu, dalam Nama Yesus. Amin.

KAJIAN TAMBAHAN:

Yesaya 50:7 TLB; Markus 10:29-30; Wahyu 3:5

PELAN PEMBACAAN ALKITAB 1-TAHUN

Galatia 5:16-26 & Yesaya 6-8

PELAN PEMBACAAN ALKITAB 2-TAHUN

1 Timotius 5:11-18 & Yeremia 39



Leave comments on today's devotional at
www.rhapsodyofrealities.org

Nota-Nota

Nota-Nota

Nota-Nota

Nota-Nota



SELASA 22

BERJAGA-JAGALAH DAN PEKA DALAM ROH SENTIASA



Sedarlah, berjaga-jagalah; kerana musuhmu si iblis, seperti singa yang mengaum, berjalan-jalan, mencari orang yang dapat ditelannya (1 Petrus 5: 8).

Pada hari yang tertentu, ketika Yesus sedang mengajar di salah satu rumah ibadat, Dia perasan ada seorang wanita yang bongkok; dia tidak dapat berdiri tegak. Dia telah berada dalam keadaan itu selama lapan belas tahun. Kemudian, Yesus berkata kepadanya, ***“ Hai wanita, engkau telah dibebaskan dari kelemahanmu. Dan Dia meletakkan tangan-Nya ke atasnya, dan pada saat itu juga dia berdiri tegak, dan memuliakan Allah ”*** (Lukas 13: 12-13).

Walaupun para pemimpin rumah ibadat itu berasa marah kerana Yesus menyembuhkan wanita itu pada hari Sabat, jawapan Guru mendedahkan sesuatu yang sangat tepat. Dia berkata, ***“...bukankah wanita ini, anak Abraham, yang telah diikat oleh Syaitan selama lapan belas tahun, harus dilepaskan dari ikatannya pada hari Sabat?”*** (Lukas 13:16).

Guru menyatakan dengan jelas bahawa Syaitanlah yang telah menyebabkan wanita itu berada dalam keadaan itu melalui “roh kelemahan.” Dan sebaik sahaja Dia selesai menangani roh itu, wanita tersebut terus berdiri tegak; dia dipulihkan sepenuhnya dengan kuasa Tuhan.

Yesus memahami dunia roh. Dia tahu bahawa kehidupan adalah rohani, dan roh-roh jahat adalah nyata dan bertanggungjawab menyebabkan orang menderita dari kecacatan. Dan melalui Kitab Suci dan pengertian yang Dia berikan kepada kita melalui Roh Kudus, kita dapat memahami bagaimana untuk mengenal pasti Syaitan dan pekerjaan-pekerjaannya.

Sekiranya kamu tidak mengetahui Kitab Suci, kamu mungkin boleh menjadi mangsa muslihat Syaitan. Pelajari dan renungkanlah Firman selalu; berbicara dalam bahasa roh setiap hari, dan penuhi dirimu dengan Roh, serta, kewaspadaan dan kepekaan rohanimu pasti akan menjadi lebih efektif.

Terdapat dimensi rohani untuk kehidupan. Kamu perlu tahu apa yang Tuhan katakan, dan tahu tipu muslihat iblis. Alkitab mengatakan “ Kita mengetahui muslihatnya (Syaitan)” (2 Korintus 2:11).

DOA

Dengan kuasa yang telah diberikan kepada aku dalam Kristus, aku meletakkan Syaitan dan konco-konconya di tempat yang sepatutnya; iaitu di bawah kakiku! Aku hidup dalam kemuliaan Tuhan, berjalan dalam kesihatan ilahi, kedamaian, keselamatan, kelimpahan, dan sukacita. Aku hidup dalam kepenuhan berkat-berkat dari Injil, hari ini. Haleluyah!

KAJIAN TAMBAHAN:

Yakobus 4:7; 1 Petrus 5:8-9; 1 Yohanes 4:4

PELAN PEMBACAAN ALKITAB 1-TAHUN

Galatia 6:1-18 & Yesaya 9-10

PELAN PEMBACAAN ALKITAB 2-TAHUN

1 Timotius 5:19-25 & Yeremia 40



Leave comments on today's devotional at
www.rhapsodyofrealities.org



HIDUP DI DALAM KRISTUS



Oleh sebab itu, sebagaimana kamu telah menerima Kristus Yesus sebagai Tuhan, teruskanlah menjalani kehidupanmu di dalam Dia (Kolose 2:6 NIV).

Sebelum kita mengkaji nasihat Paulus yang luar biasa dalam ayat injil di atas, mari kita baca apa yang dia katakan dalam ayat yang ke-20: ***“Oleh kerana itu, jika kamu telah mati bersama dengan Kristus dari prinsip-prinsip dunia, mengapa kamu menakhlukkan dirimu pada peraturan seolah-olah kamu masih hidup di dunia?”*** (Kolose 2:20). Perhatikan penyampaian yang luar biasa itu; dia mengatakan bahawa orang Kristian tidak tinggal di dunia ini; mengikut pandangan hidup yang biasa ini. Jadi, di manakah orang Kristian hidup? Dia hidup di dalam Kristus!

Kristus adalah sebuah rumah dan persekitaran baru bagi orang yang telah dilahirkan semula. Perhatikan 2 Korintus 5:17; ia berkata, ***“Jadi sesiapa yang ada di dalam Kristus...”***; Kristus adalah sebuah tempat. Kamu tidak sepatutnya dikuasai, diperintah atau dipengaruhi oleh prinsip-prinsip dunia ini, kerana kamu hidup dalam persekitaran yang berbeza.

Dalam persekitaran tersebut, segala sesuatu adalah sempurna; tiada kegagalan, kelemahan, kekalahan,

kesakitan, penyakit, kemiskinan atau kegelapan. Kita hanya mempunyai kemuliaan dan kebenaran Tuhan.

Sekarang, kamu boleh memahami apa yang kita telah baca dalam ayat injil pembukaan; “sebagaimana kamu telah menerima Kristus Yesus sebagai Tuhan, teruskanlah menjalani kehidupanmu di dalam Dia.” Hidup dalam Kristus berarti hidup dalam kerajaan syurga di bumi ini, dengan penguasaan yang mutlak ke atas segala keadaan; dijaga, dipupuk dan dilindungi oleh kuasa ilahi-Nya. Haleluyah!

DOA

Kristus adalah rumahku; Kristus adalah hidupku, dan Kristus adalah segala-galanya bagiku! Di dalam Dia, aku hidup, bergerak dan wujud. Aku hanya melihat, memiliki dan mengalami kemuliaan-Nya. Aku tidak menakhlukkan diriku pada keadaan; sebaliknya, aku memerintah dan memperlihatkan kemuliaan dan kebenaran Kristus, dalam Nama Yesus. Amin.

KAJIAN TAMBAHAN:

Filipi 3:20-21 AMPC; Roma 8:1; 2 Korintus 5:17

PELAN PEMBACAAN ALKITAB 1-TAHUN

Efesus 1:1-14 & Yesaya 11-12

PELAN PEMBACAAN ALKITAB 2-TAHUN

1 Timotius 6:1-16 & Yeremia 41



Leave comments on today's devotional at
www.rhapsodyofrealities.org



SAATMU UNTUK BERSINAR



Kamu adalah cahaya dunia. Sebuah kota yang terletak di atas gunung tidak dapat disembunyikan (Matius 5:14).

Dunia pada hari ini adalah dunia yang berada di dalam kegelapan rohani. Ianya sama dengan zaman Yesus. Ingat kembali kejadian di mana Dia ditangkap, Dia telah berkata, “... ***inilah saat kamu, saat ketika kuasa kegelapan memerintah*** “ (Lukas 22:53 NLT). Setelah Yesus naik ke syurga, dunia ini masih berada dalam kegelapan. Tetapi kamu adalah jalan penyelesaian untuk kegelapan itu. Dalam ayat injil pembukaan kita, kita telah membaca kata-kata Yesus, yang mengatakan bahawa kamu adalah cahaya dunia.

Kamu harus bersinar dengan lebih terang pada hari-hari yang terakhir ini, melalui kuasa Roh Kudus. Dunia kita bukan untuk iblis; ia adalah untuk Tuhan. Dia telah menempatkan kita di sini untuk menjaga dunia ini dengan cahaya dan kebenaran-Nya dari alam Roh. Apabila kamu berjalan dalam iman, mengerjakan Firman dan mempertahankan hak-hak dan warisanmu dalam Kristus, kamu akan membuat cahayamu bersinar.

Tidak kira apa jenis kegelapan di dunia ini -- kesakitan, penyakit, kemiskinan dan kemelut yang menyebabkan dunia ini menjadi huru-hara -- kamu

telah diberi kuasa untuk menguasai dan memerintah dalam Kristus melalui Firman. Orang lain akan melihat kamu dan memahami siapa orang Kristian yang sejati; mereka akan melihat kemuliaan dan keunggulan Kristus di dalam dirimu.

Yesaya 60: 1-2 berkata, ***“Bangkitlah, dan bersinarlah; kerana terangmu datang, dan kemuliaan TUHAN terbit atasmu. Sebab lihatlah, kegelapan akan menutupi bumi, dan kekelaman menutupi bangsa-bangsa: tetapi TUHAN akan bangkit atasmu, dan kemuliaan-Nya akan terlihat di atasmu.”*** Inilah saat kamu untuk bersinar sebagai cahaya di dunia yang gelap dengan berjalan dalam kebenaran, kemakmuran, kesihatan ilahi, ketenangan dalam jiwa dan raga seperti yang dijamin dalam Firman Tuhan.

DOA

Aku adalah cahaya dunia, sebuah kota yang terletak di atas bukit untuk menerangi duniaku. Kemuliaan dan kebenaran Kristus dinyatakan di dalam dan melalui diriku; aku berjalan dalam kemakmuran dan berkat-berkat, ketenangan jiwa dan raga, dalam Nama Yesus. Amin.

KAJIAN TAMBAHAN:

Yesaya 60:1-3; Yohanes 9:5; Filipi 2:15; 1 Tesalonika 5:5

PELAN PEMBACAAN ALKITAB 1-TAHUN

Efesus 1:15-2:1-10 & Yesaya 13-14

PELAN PEMBACAAN ALKITAB 2-TAHUN

1 Timotius 6:17-21 & Yeremia 42



Leave comments on today's devotional at
www.rhapsodyofrealities.org



MEMAHAMI MASA TUHAN



Lalu katanya kepadaku, Jangan takut, Daniel: kerana daripada hari yang pertama engkau berniat di dalam hatimu untuk mendapat pengertian, dan merendahkan dirimu di hadapan Allahmu, perkataanmu telah didengari... (Daniel 10:12).

Kita sedang berada dalam suatu sistem pemerintahan yang istimewa dalam Kerajaan Tuhan. Melalui pengetahuan Firman, kita dibimbing oleh Roh untuk berjalan selaras dengan rencana dan waktu-Nya.

Misalnya, dalam Daniel 9, Alkitab memberitahu kita bahawa ketika Daniel dan orang Israel berada dalam tawanan, dia memahami masa Tuhan apabila dia mengkaji tulisan-tulisan Nabi Yeremia. Dia mendapat tahu bahawa mereka telah ditetapkan untuk berada dalam pembelengguan untuk selama tujuh puluh tahun dan masanya sudah hampir tiba untuk mereka dilepaskan dari pembelengguan itu.

Namun, kerana tidak ada apa-apa yang berlaku, Daniel membuat keputusan untuk mendapatkan jawapan dari Tuhan dengan berpuasa dan berdoa agar rencana Tuhan dapat menjadi kenyataan. Kesan daripada itu, dia mula berdoa dan berpuasa, untuk membina rencana Tuhan menjadi kenyataan.

Pada hari-hari terakhir pelayanan Yesus di Israel, Dia menangis mengenang nasib orang di Yerusalem, kerana, seperti yang kita baca dalam ayat injil pembukaan kita, mereka tidak mengetahui "waktu" kedatangan-Nya. Tuhan yang telah mereka tunggu selama ini, telah pun tiba, namun mereka tidak mengetahuinya. Betapa sedihnya hal ini. Ramai orang

seperti itu hari ini.

Jadikan ia keutamaan kamu untuk menjadi selaras dengan kehendak dan masa Tuhan bagi hidupmu. Pelajarilah Alkitab dengan bersungguh-sungguh, dan luangkan masa untuk berdoa. Kita telah diutus oleh Tuhan untuk memperkuat kehendak-Nya di bumi, dengan menggunakan Nama Yesus dan kuasa Roh Kudus.

Tetapi jika kamu tidak mengetahui kehendak dan waktu Tuhan, perkara-perkara yang akan berlaku di bumi tidak akan mempunyai kepentingan baik untuk kamu mahupun untuk Tuhan. Inilah sebabnya mengapa kamu mesti berdoa dalam Roh untuk semua negara, untuk Gereja Tuhan, dan untuk para pelayan Injil di seluruh dunia. Berdoalah seolah-olah kerajaan Tuhan bergantung pada kamu, dan ia sememangnya sedemikian. Haleluyah!

DOA

Ya Bapa yang berharga, terima kasih untuk segala mukjizat dan manifestasi kerja-kerja dan berkat-berkat-Mu yang semakin berlimpah-limpah, yang akan mencapai kemuncaknya pada hari pengangkatan Gereja. Aku berdoa untuk semua orang kudus di seluruh dunia, yang menghadapi penganiayaan dan ketidakadilan yang teruk, agar mereka diperkuatkan untuk berdiri teguh dalam segala kehendak Tuhan, dalam Nama Yesus. Amin.

KAJIAN TAMBAHAN:

Daniel 9:2-4; 1 Petrus 5:8-9; 1 Tawarikh 12:32

PELAN PEMBACAAN ALKITAB 1-TAHUN

Efesus 2:11-22 & Yesaya 15-18

PELAN PEMBACAAN ALKITAB 2-TAHUN

2 Timotius 1:1-18 & Yeremia 43



Leave comments on today's devotional at
www.rhapsodyofrealities.org



SABTU 26

KESEDARAN TENTANG HAKIKAT KEILAHIANMU



Kamu berasal dari Allah, anak-anakku, dan kamu telah mengalahkan mereka: kerana Roh yang ada di dalam kamu lebih besar daripada roh yang ada di dalam dunia (1Yohanes 4:4).

Ramai yang tidak memahami percakapan Roh dalam ayat injil di atas apabila ia mengatakan, “Kamu berasal dari Allah...”; ia bermaksud bahawa kamu datang dari Allah; kamu dilahirkan dari Dia. Hal inilah yang menjadikan orang Kristian seorang makhluk yang ilahi, dan bukan hanya manusia biasa sahaja. Haleluyah!

Ramai orang yang tidak mengetahui hal ini; mereka tidak mempunyai pengetahuan yang cukup mengenai siapa diri mereka yang sebenar dalam Kristus. Dalam 1 Yohanes 5:13, Rasul Yohanes bercakap tentang hal ini dan berkata, ***“Semuanya itu kutuliskan kepada kamu, yang percaya kepada nama Anak Allah; supaya kamu tahu bahawa kamu memiliki hidup yang kekal”*** Tuhan mahu kamu memiliki kesedaran dan pengetahuan yang aktif bahawa hidup-Nya ada di dalam dirimu. Kamu adalah pembawa kehidupan yang ilahi; seorang utusan Tuhan

Merujuk kepada Tuhan Yesus, Alkitab mengatakan ***“...di dalam Dialah berdiam secara jasmaniah seluruh kepenuhan keilahian. Dan kamu telah disempurnakan di dalam Dia...”*** (Kolose 2:9-10). Perhatikan ungkapan, ***“Dan kamu telah disempurnakan di dalam Dia”*** Ini bermakna seperti Yesus, semua keilahian tinggal di dalam kamu. Sebab itulah Petrus memanggil kita “rakan sekutu bangsa Tuhan”; orang yang mengambil bahagian dalam sifat ilahi (2 Petrus 1:4).

Kamu diisi atau dipenuhi dengan Tuhan. Inilah

yang dimaksudkan untuk menjadi :sempurna di dalam Dia"; tidak ada apa-apa yang lain yang boleh menjadikan kamu ilahi. Inilah sebabnya mengapa kesakitan, penyakit dan kelemahan tidak boleh menjadi sebahagian daripada hidup kamu. Jika kamu merenungkan kehidupan Tuhan dalam dirimu, kamu tidak akan jatuh sakit lagi di kemudian hari dalam kehidupanmu.

Kamu telah dilahirkan bukan dari darah, dan bukan dari daging, dan bukan dari keinginan seorang lelaki, melainkan dari Allah (Yohanes 1:13). Kehidupan yang sama ini yang menjadikan ianya mustahil bagi Tuhan untuk jatuh sakit, dikalahkan atau apa-apa yang tidak baik "berlaku" kepada-Nya, kehidupan inilah yang kamu miliki di dalam kamu. Kesedaran kamu akan realiti ini akan membuat kamu kekal menang dan berjalan dengan kekuasaan setiap hari dalam kehidupanmu. Maha mulia Tuhan!

PENGAKUAN

Terpujilah Tuhan! Aku mempunyai dan berjalan dalam kesedaran tentang hakikat keilahianku; aku berjalan dalam kekuasaan ke atas kesakitan, penyakit, maut dan semua unsur di dunia ini. Kristus yang ada di dalam diriku adalah lebih besar daripada segala sesuatu; dan aku meraikan kesatuanku dengan Tuhan, hari ini dan selalu, dalam Nama Yesus. Amin.

KAJIAN TAMBAHAN:

2 Petrus 1:4; Yohanes 5:26; 1 Yohanes 5:11-13

PELAN PEMBACAAN ALKITAB 1-TAHUN

Efesus 3:1-21 & Yesaya 19-22

PELAN PEMBACAAN ALKITAB 2-TAHUN

2 Timotius 2:1-10 & Yeremia 44



Leave comments on today's devotional at
www.rhapsodyofrealities.org



AHAD 27

MEMPERCAYAI SEPERTI KANAK-KANAK



Percayalah kepada TUHAN dengan segenap hatimu, dan janganlah bersandar kepada pengertianmu sendiri (Amsal 3:5).

Mempercayai bukan bererti untuk menjadi mudah percaya, dan ianya sangat penting untuk kamu mengenali perbezaan ini kerana ada orang yang mudah percaya di mana mereka menyangka bahawa mereka sedang mempercayai. Untuk menjadi mudah percaya bermaksud untuk menjadi senang tertipu. Namun, kanak-kanak tidak mudah tertipu; mereka biasanya mempercayai. Mereka mempercayai karakter kamu.

Walau bagaimanapun, orang dewasa boleh menjadi mudah percaya. Seseorang yang dewasa akan berusaha memikirkan dengan masak-masak tentang perkara yang diberitahu kepadanya sebelum dia mempercayainya, dan dia mungkin tidak terlalu mengambil berat tentang perwatakan orang yang dia percayai itu.

Sekiranya kamu memegang seorang kanak-kanak di balkoni misalnya, dan meminta orang lain yang dipercayai oleh anak kecil itu untuk berada di tingkat bawah dan menangkapnya, anak kecil itu akan bersedia untuk dijatuhkan kerana dia mempercayai orang yang berada di tingkat bawah itu. Kanak-kanak tersebut tidak tahu sama ada orang di tingkat bawah itu mempunyai kekuatan atau keupayaan untuk menangkapnya, tetapi dia percaya bahawa orang itu tidak akan membiarkannya jatuh. Jenis iman yang seperti kanak-kanak inilah yang kamu harus miliki terhadap Tuhan.

Tuhan Yesus memberi nasihat dalam Matius 18: 3 (AMPC) bahawa kita sepatutnya menjadi seperti anak-anak kecil, yang "... [percaya, rendah hati, pengasih, pemaaf]". Dia mahu kamu mempercayai perwatakan Tuhan. Perwatakan-Nya sudah dijelaskan dengan nyata dalam Firman. Dia tidak pernah kalah. Dengan penuh keberanian, letakkan keyakinanmu kepada-Nya untuk memenuhi tujuan-Nya di dalam hidupmu.

Kadang kala, banyak orang yang cuba untuk “menolong Tuhan” melakukan apa yang Dia kehendaki. Dia telah memberikan kamu sebuah visi atau memberikan beberapa idea kepada kamu yang berkaitan dengan tujuanmu, dan kamu berasa sangat teruja serta tidak sabar untuk melihat semuanya berjalan dengan lancar, dan hal itu sememangnya bagus! Namun, jika kamu tidak mempercayai dan tunduk kepada Roh Kudus, kamu mungkin cuba untuk menjadi “Tuhan.” Kamu mungkin memainkan peranan-Nya dengan berusaha untuk membantu-Nya dengan kebijaksanaanmu sendiri. Tetapi, hasilnya tidak akan memuaskan hati.

Perkara yang terbaik adalah untuk mempercayai bahawa Tuhan sendiri tahu segala sesuatu dan Dia mempunyai rangka rencana untuk hidupmu. Ambillah pengajaran dari Abraham yang mempercayai dan mematuhi Tuhan walaupun Dia tidak tahu ke mana Tuhan membawanya. Alkitab mengatakan, ***“Dengan iman, ketika Abraham dipanggil untuk pergi ke suatu tempat yang akan diterimanya menjadi warisan, dia taat; dan dia pergi dengan tidak mengetahui ke mana dia pergi”*** (Ibrani 11:8).

DOA

Ya Bapa, aku menjalani kehidupan ku, dengan mempercayai Engkau dengan segenap hati dalam segala sesuatu; mempelajari Firman-Mu dan mematuhi arahan-arahan-Mu. Aku menyerahkan semua rancangan, aspirasi dan keinginan masa depanku kepada Engkau, kerana aku yakin sepenuhnya, bahawa Engkau lebih berminat dan ghairah tentang kejayaanku daripada diriku sendiri, dalam Nama Yesus. Amin.

KAJIAN TAMBAHAN:

Amsal 3:5-6; Mazmur 18:30

PELAN PEMBACAAN ALKITAB 1-TAHUN

Efesus 4:1-16 & Yesaya 23-24

PELAN PEMBACAAN ALKITAB 2-TAHUN

2 Timotius 2:11-26 & Yeremia 45



Leave comments on today's devotional at
www.rhapsodyofrealities.org



ISNIN 28

JANGAN MENERIMA “KOTORAN” YANG BOLEH MENYUMBAT “MATA AIR” KAMU



... Sesiapa yang percaya kepada-Ku, seperti yang kitab suci telah katakan, dari dalam hatinya akan mengalir aliran-aliran air hidup (Yohanes 7:38).

Yesaya 12:3 mengatakan, ***“Maka dengan sukacita kamu akan menimba air dari mata air keselamatan.”*** Mata air keselamatan merujuk kepada segala berkat Kristus yang terdapat dalam roh kamu. Alkitab mengatakan bahawa dari rohmu, terpancarlah kehidupan. Kamu membawa mata air yang dipenuhi dengan berkat-berkat dalam dirimu.

Iblis selalu berusaha untuk menyumbat “mata air itu.” Fikirkanlah hal ini yang selaras dengan apa yang terjadi pada zaman Alkitab: setiap kali musuh-musuh datang menyerang di sebuah kota, mereka akan menutupi perigi-perigi di kota itu dengan kotoran untuk menyusahkan para penduduknya. Perigi itu merupakan sumber air—seperti mata air kehidupan— bagi para penduduk itu.

Ishak mengalami penderitaan yang serupa di tangan orang Filistin. Dalam kes Ishak, Alkitab menceritakan, ***“Kerana segala perigi yang telah digali oleh hamba-hamba ayahnya pada zaman Abraham, iaitu ayahnya, orang Filistin telah menutupnya, dan menimbunnya dengan tanah....Dan Ishak menggali kembali perigi-perigi, yang telah mereka gali pada zaman Abraham, ayahnya; kerana orang Filistin telah menutupnya sesudah kematian Abraham...”*** (Kejadian 26:15,18).

Sebagaimana orang Filistin menutupi perigi-perigi

air milik Ishak (untuk menyusahkannya), sebegitu juga cara Syaitan berusaha untuk menyumbat mata air kehidupan dalam roh kamu dengan memastikan sukacita Kristus tidak dinyatakan dalam kehidupanmu. Dia juga ingin menghalang kamu dari memberi pelayanan kegembiraan kepada orang lain.

Alat-alat yang Syaitan gunakan untuk menyumbat “mata air” kamu adalah kepahitan, kecemburuan, kebencian, tidak mahu mengampuni, ketakutan, dan sikap menghakimi. Jangan membenarkan Syaitan menanam “kekotoran” sedemikian dalam hidup kamu. Dia tahu kamu tidak boleh hidup dengan gembira, menikmati kehidupan atau memberkati dunia kamu dengan efektif apabila kamu marah, benci dan berniat jahat.

Buatlah pilihan untuk membiarkan kegembiraan dan kasih Tuhan terpancar dari dalam dirimu kepada orang lain setiap hari dan iblis pasti tidak akan dapat bertapak dalam kehidupanmu.

DOA

Ya Bapa, terima kasih atas kasih-Mu yang dicurahkan ke dalam hatiku melalui Roh Kudus, dan atas kepenuhan Kristus di dalam hatiku. Aku menjalani kehidupan dengan penuh kemuliaan, membuat kemajuan dengan langkah gergasi, dalam Nama Yesus. Amin.

KAJIAN TAMBAHAN:

Efesus 4:31-32; Yakobus 3:15-17; Ibrani 12:15

PELAN PEMBACAAN ALKITAB 1-TAHUN

Efesus 4:17-5:1-2 & Yesaya 25-26

PELAN PEMBACAAN ALKITAB 2-TAHUN

2 Timotius 3:1-17 & Yeremia 46



Leave comments on today's devotional at
www.rhapsodyofrealities.org

Nota-Nota

Nota-Nota

Nota-Nota

Nota-Nota



SELASA 29

CARA YANG BERKESAN UNTUK MELATIH ROHMU



Tetapi jauhilah cerita-cerita tahayul dan dongeng nenek-nenek tua, dan latihlah dirimu untuk kehidupan yang beribadat. Sebab latihan jasmani bermanfaat hanya untuk hal kecil, tetapi ibadat itu bermanfaat untuk segala hal, kerana mengandungi janji, baik untuk hidup yang sekarang ini mahupun untuk hidup yang akan datang (1 Timotius 4:7-8).

Melatihkan dirimu untuk kehidupan yang beribadat bererti melatihkan roh manusiamu, iaitu dirimu yang sebenar. Dan satu cara yang berkesan untuk melatihkan rohmu adalah dengan berdoa dalam bahasa roh; ia membuat rohmu kekal bersinar dan membara untuk Tuhan. Yudas 1:20 mengatakan, ***“Akan tetapi kamu, saudara-saudaraku yang kukasihi, bangunkanlah dirimu di atas imanmu yang paling kudus, sambil berdoa di dalam Roh Kudus.”*** 1 Korintus 14:4 mengatakan, ***“Sesiapa yang berkata-kata dengan bahasa roh, dia membangunkan dirinya sendiri...”***

Orang Kristian yang kerap berdoa dalam bahasa roh dapat menerima perkara-perkara Roh dengan lebih senang. Mereka lebih peka dan responsif terhadap bimbingan dan ajaran dari Roh Kudus. Apabila kamu sentiasa berdoa dalam bahasa roh, roh kamu dilatih dan bersedia untuk melakukan penginjilan yang dinamik; tiada kemalasan dalam melakukannya.

Pupuklah tabiat bercakap dalam bahasa roh apabila kamu memulakan harimu. Dan kemudian,

pada selang waktu yang tetap semasa kamu melakukan kerja seharianmu, kamu boleh berdoa dalam bahasa roh. Perkara yang indah mengenai hal ini adalah kamu boleh bercakap dalam bahasa roh walaupun kamu berada di tempat kerja atau sedang menjalankan perniagaan. Ini adalah cara yang terpuantas untuk mengaktifkan dan memperkuatkan rohmu.

Ada orang yang lebih prihatin untuk menjaga tubuh mereka menjadi lebih cantik, berbanding memberikan perhatian yang lebih kepada penjagaan roh mereka. Apabila kamu melatihkan dirimu untuk sering berdoa dalam bahasa roh, selain daripada manfaat-manfaat yang ia berikan dalam hidupmu, ia juga akan membuka rohmu untuk menerima dan memahami Firman Tuhan serta menjadikan perjalananmu lebih efektif dalam kehidupan ilahi.

DOA

Ya Bapa, betapa aku mencintai Firman-Mu! Terima kasih kerana menunjukkan aku bagaimana untuk melatihkan dan memperkuatkan rohku melalui percakapan dalam bahasa roh. Rohku diaktifkan untuk menerima bimbingan hari ini; dan aku membuat kemajuan yang luar biasa dalam kehidupanku, dan dalam pekerjaan pelayanan, dari kemuliaan ke kemuliaan, dalam Nama Yesus. Amin.

KAJIAN TAMBAHAN:

1 Timotius 4:7-8 AMPC; 1 Korintus 14:4 AMPC;
Ibrani 5:14

PELAN PEMBACAAN ALKITAB 1-TAHUN

Efesus 5:3-21 & Yesaya 27-28

PELAN PEMBACAAN ALKITAB 2-TAHUN

2 Timotius 4:1-10 & Yeremia 47



Leave comments on today's devotional at
www.rhapsodyofrealities.org



IMAN DALAM FIRMAN-NYA



Pulanglah; dan jadilah kepadamu seperti yang engkau percaya. Dan pada saat itu juga hambanya disembuhkan (Matius 8:13).

Pada hari yang tertentu, setelah Tuhan Yesus dibangkitkan, Dia menampakkan diri-Nya kepada murid-murid-Nya ketika mereka hampir habis menjala ikan tetapi mereka tidak memperoleh apa-apa hasil. Murid-murid-Nya telah bekerja keras sepanjang malam namun mereka tidak berjaya menangkap apa-apa pun. Kemudian Yesus berkata kepada mereka, ***“Labuhkanlah jala ke sebelah kanan perahu dan kamu akan mendapat ikan”*** (Yohanes 21:6). Alkitab mengatakan, “... mereka melabuhkan jala, dan mereka tidak dapat menariknya kembali, kerana mereka telah menangkap begitu banyak ikan” (Yohanes 21:6 TEV).

Bayangkan apa akan terjadi jika mereka mempersoalkan Yesus! Mereka mempercayai Firman-Nya dan dari situlah ikan-ikan tersebut datang---dari Firman Tuhan. Alkitab mengatakan, ***“Kerana iman, kita mengerti bahawa alam semesta ini diciptakan oleh Firman Allah”*** (Ibrani 11:3). Ikan-ikan itu telah dijadikan oleh Firman Guru. Yesus sudah menetapkan keutamaan bagi kita tentang bagaimana untuk hidup dengan penuh kemenangan setiap hari, dan bagaimana untuk mengalami mukjizat melalui iman dalam Firman.

Renungkanlah hal ini: Seorang hamba Ketua Perwira yang tertentu sedang sakit parah dan hampir mati. Kemudian, Ketua Perwira itu mengutus para pemimpin orang Yahudi untuk meminta Yesus datang menyembuhkan hambanya. Guru bersetuju, tetapi di saat Dia hampir tiba ke rumahnya, Ketua Perwira itu menyampaikan kata-katanya melalui sahabat-sahabatnya kepada Yesus, dengan berkata, “Tuan, janganlah bersusah-susah datang ke rumahku; katakan saja sepatah dua kata, dan hambaku itu akan disembuhkan” (Lukas 7: 2-7).

Apabila Yesus mendengar kata-kata Ketua Perwira

itu, Alkitab mengatakan bahawa Dia mengagumi imannya dan berkata, "Aku tidak pernah menemukan iman sebesar ini, bahkan di Israel pun tidak." Setelah orang yang diutusnya pulang balik ke rumah Ketua Perwira itu, mereka mendapati hamba yang sakit itu telah menjadi sihat sepenuhnya (Lukas 7:9-10). Ketua Perwira itu mempunyai iman dalam Firman Tuhan.

Apa keinginan kamu? Bahagian mana dalam kehidupanmu yang kamu memerlukan suatu perubahan atau mukjizat? Kerjakanlah imanmu dalam Firman Tuhan. Firman Tuhan adalah jalan penyelesaian bagi semua masalah. Kamu tidak perlu membunuh diri kerana kehilangan pekerjaan atau perniagaan. Kamu boleh mempercayai Tuhan untuk sesuatu yang lebih baik. Dialah Tuhan yang menghidupkan (memberi hidup kepada) orang mati. Dia boleh memberi semula, dan lebih banyak daripada semua apa yang kamu fikirkan telah hilang.

Malah sekarang, bertindaklah berdasarkan Firman-Nya. Dia berkata dalam Yohanes 14:14, "***Jika kamu meminta sesuatu dalam Nama-Ku, Aku akan melakukannya***"; tanyakan apa sahaja yang kamu inginkan, kerana kamu tahu bahawa Dia sentiasa memenuhi Firman-Nya dan tidak pernah gagal.

DOA

Ya Bapa, terima kasih atas Firman-Mu yang berharga, yang meningkatkan iman dalam rohku dan menempatkan aku di atas segala kesusahan dalam hidup. Firman-Mu bercampur dengan iman di hatiku; oleh itu, imanku hidup dan aktif, mengalahkan segala keadaan, dan menyebabkan segala sesuatu menjadi selaras dengan kehendak-Mu yang sempurna untuk aku, dalam Nama Yesus. Amin.

KAJIAN TAMBAHAN:

Roma 10:17; 2 Korintus 4:13; Ibrani 11:6

PELAN PEMBACAAN ALKITAB 1-TAHUN

Efes 5:22-6:1-9 & Yesaya 29-30

PELAN PEMBACAAN ALKITAB 2-TAHUN

2 Timotius 4:11-22 & Yeremia 48



Leave comments on today's devotional at
www.rhapsodyofrealities.org

Nota-Nota

Nota-Nota

Nota-Nota

Nota-Nota

DOA KESELAMATAN

Kami percaya kamu telah diberkati dengan buku kebaktian ini. Kami ingin mengajak kamu untuk menjadikan Yesus Kristus sebagai Tuhan dalam hidupmu dengan mengucapkan doa ini:

“Ya Tuhan Allah, aku mempercayai Yesus Kristus, Anak Tuhan yang hidup dengan sepenuh hatiku. Aku percaya Dia telah mati untuk-ku dan Tuhan telah membangkitkan Dia dari kematian. Aku percaya Dia hidup hari ini. Aku mengaku dengan mulutku bahawa Yesus Kristus adalah Tuhan dalam hidupku mulai dari hari ini. Melalui Dia dan dalam Nama-Nya, aku mempunyai kehidupan yang kekal; Aku telah dilahirkan semula. Terima kasih Tuhan, kerana menyelamatkan jiwaku! Aku sekarang adalah anak Tuhan. Haleluyah! “

Tahniah! Sekarang kamu telah menjadi anak Tuhan. Untuk mendapatkan lebih banyak maklumat mengenai bagaimana untuk bertumbuh sebagai seorang Kristian, sila hubungi kami melalui mana-mana sumber di bawah:

UNITED KINGDOM:

+44 (0)1708 556 604

+44 (0)08001310604

SOUTH AFRICA:

+27 11 326 0971

NIGERIA:

+234 1 8888186

USA:

+1(800) 620-8522

CANADA:

+1 416-667-9191

MALAY

MENGENAI PENGARANG

Pastor Chris Oyakhilome, Presiden Believers' LoveWorld Inc., iaitu sebuah pelayanan global yang dinamik, yang mempunyai pelbagai fungsi, adalah pengarang Rapsodi Realiti, iaitu buku kebaktian seharian yang nombor 1 di dunia ini, dan juga pengarang kepada lebih daripada 30 buku-buku yang lain. Dia adalah seorang pelayan Firman Tuhan yang berdedikasi di mana mesejnya telah membawa realiti kehidupan yang ilahi ke dalam hati ramai orang.

Berjuta-juta orang telah menerima kesan daripada siaran televisyennya, "Suasana Untuk Mukjizat," yang membawa hadirat Tuhan yang ilahi ke dalam rumah orang ramai. Skop pelayanan televisyennya tersebar meluas ke seluruh dunia dengan rangkaian televisyen satelit LoveWorld yang menyampaikan pengaturcaraan Kristian yang berkualitatif di khalayak global.

Di Sekolah Penyembuhan yang dikenali ramai di seluruh dunia, dia memperlihatkan kerja-kerja penyembuhan Yesus Kristus dan telah membantu ramai orang untuk menerima penyembuhan mereka melalui operasi anugerah-anugerah Roh.

Pastor Chris mempunyai semangat yang mendalam untuk menjangkau orang-orang di dunia dengan hadirat Tuhan - suatu tanggungjawab ilahi yang dia telah penuhi selama lebih daripada 30 tahun menerusi pelbagai aktiviti jangkauan, program-program penginjilan, serta beberapa platform lain yang telah membantu berjuta-juta orang mengalami kehidupan yang berjaya dan yang bermakna di dalam Firman Tuhan.

Nota-Nota

Nota-Nota

Nota-Nota

Nota-Nota

Nota-Nota

Nota-Nota